

SAN PABLO CARTA ROMA CHJAMBTEWE'SH JÏI

Romatewe'shtyi Pablo wechana fi'jni

1 ¹ Andya' Jesucristo's selpisáa Pablo yaasetj. Atsa' andya's Dyuscu tyjityrra nvijt, Cristo yuwe ewte nviitwa'jsa's pta'shcajn.

² Dyusa' tyāa yuwe ewte nviitwa'jsa's pta'shni yuuna jina cfi'ja'cj nyafii entey Dyusna selpisaawe'shtyi. ³ Atsa' tyāa Dyus yuwe ewte nviitwa'jsa' cue'shtyi jype'jsa Jesucristo Dyus Nchi'ca'scu we'we'. Atsa' Jesucristo' naa quiwete yu' jycaajsa David ji'tjec upy cacue yu'. ⁴ Nava quiŋteva jyuca ājawa'jsa Dyus Nchi'cteva Dyus Espiritu' cue'shtyi caajiyu'cj Jesucristo's uuniijū ityi vitrra. ⁵ Sa' andya's peeygājrra Jesucristo nwe'wete', Dyus tyjitynisatj yuu, Jesucristo's selpiwa'jsa, cyaj naa quiwete maa nasava Jesucristo's jiyurra jypa'gatyna tyā'sna nwēese'jya'. ⁶ Atsa' i'cue'shva Jesucristo's jiyurra ne'cue jypa'ga, Dyusa' pety i'cue'shne' tyjityj Jesucristo tashte pa'jwa'jsa tyāa pa'ga nwēese'jna ūsi'cue.

⁷ Achja' Roma chjambtewe'sh i'cue'sh jyucaysa jii naa carta's fi'jrra cajastju, i'cue'sha' Dyus peeygājrra tyjitynisai'cue tyāa yacj fi'nzesa. I'cue'shtyi' Dyusa' pu'chjina vite' cue'shtyi jype'jsa Jesucristo, tyāa pa'ga Dyus yacjrrāa mfi'nzewe.

Roma chjambna Pablo u'j wēeni

⁸ Jesucristo i'cue'shtyi pu'chpa'ga Dyus yacj i'cue'sh ew fi'nzeni's mteeva jyucaty ew we'we', tyāa pa'ga andya' Dyusa'stju wechá'. ⁹ Sa' na'wē Dyusa's nacue wala selpi'tj tyajy Nchi'c caapiya'jni's ūusuj jyuca yajcyna tyāa Dyusa' jiaa' andya' i'cue'sh pa'gate bagachteva tyāa yacj puuty we'wena nes yuusaateva. ¹⁰ Tyāasatj i'cue'sh tashna yujvatsa' sūjrra Dyus yacj puuty we'wena nes yu'. ¹¹ Sa' cytee pa'jrra' Dyus yacj fi'nzewa'ja's i'cue'shtyi pu'chji'nja sūju'tj, jwee'irráa chjāchja fi'nzeczajn. ¹² Sa' puuty cyteerraj ya'pu'chna Dyus yacj chjāchja

fi'nzewa'ja's ji'pju'nja'w, tyāa pa'gatey i'cue'shva Dyusa's yaacysa i'cue andy na'wēy.

¹³Yacjtjē'jwe'shtyi pta'shi'tj: i'cue'sh yacj puuty uyya' yuwe'nja sūjna manz usva yajcyrrava, āchpcach yujya' yu' tundunimeetj. I'cue'sh cshavysu Dyus luuch yuuwa'jsa ūstyna tyāaty Dyus jīi cnayya' yuwe'nja sūju'tj, ma'wētca vite quiwesuva Dyus jīi cnay tyā'wēy. ¹⁴Andya' maa nasatyva jyuca Cristo yuwe's pta'shwa'j ji'ptju, chjambtewe'sh ma'ty yuu, fiy we'wesa ma'ty yuu, naa quiwete wala jiisa ma'ty yuu meerra' jiimeesa ma'ty yuu nava ma'wēsatyva jyuca pta'shwa'j ji'ptju. ¹⁵Tyāasa andya' Cristo yuwe ewte nviitwa'jsa's pta'shya' yuwe'nja sūjnarrāa ūstju Roma chjambte i'cue'shtyiva.

Cristo' maatyva jyuca nwe'wewa'jsa'

¹⁶Andya' Cristo yuwe ewte nviitwa'jsa's pta'shya' wej yujva tjaame'tsmeetj, tyāa pa'gatey Cristo' Dyus caajnisā' maatyva nwe'weya' ājawa'jsa tyā'sna ūuste jypa'gasa yuutyi', judiu ma'ty yuu judiimeesa ma'ty yuu nava maa nasatyva jyuca nwe'wewa'jsa'. ¹⁷Atsa' nwe'wenisa yuuya', Cristo's ūusuj jyuca yajcyrra jypa'gate yuurráac Dyus dyi'pte yuuwemée ewsa yuuna ya'pa'ja'. Tyā'wē yuuwa'ja's Dyus libroute vite ajcjevā na'jīnac pta'shi': Dyusa's ūusuj jyuca yajcyte yuurráa Dyus yacj fi'nzewa'ja's ya'ji'pjuna ji'c.

Naa quiwete nasa' yuuwesata'

¹⁸Dyus castigo seena'sa cieluju yuja' nasa ewmeesa jyucaysawe'sh jīi, tyāawe'sha' ewmeete yuurráa fi'nzena isasa yu'sa' yupna ūsta' naa pa'ga. ¹⁹⁻²⁰Tyāa ente' Dyus ma'wēsateva jiimeetja'w yu' jīya' ājameetyna, tyāa pa'gatey Dyus ma'wēsateva caajiyu'jsa ūsta' Dyus pjeu'jrra nviitnisa tyāaty caajiyu'ju'. Tyāa pa'gac naa quiwe's pjeu'jrra nviitnijū' ew ya'jīyu' Dyusa' quījteva jyuca ājawa'jsa bagachteva nes yuuwa'jsateva. Atsa' tyāa ma'wēsarrava caajiyu'jncu tyā'wē pjeu'jrra nvijt. ²¹Tyā'wē Dyusa' ūsuyjna sūjwa'j yu'sa' ji'pjurrava, isate yu' Dyusa's wechana nwēese'jmée, naa quiwete quīj yujva seelpimeesarrá'styi pacuena jyāl'. Atsa' tyā'wē yūupa'ga tyāawe'sh ūusa' naa quiwete ewmeesa yuurrá'scu yaacywa'jsa neeyūu. ²²Tyāawe'sh yu' jīitja'w jī'ty, nava jiimeesaty yuuna pa'j. ²³Tyā'wē Dyus bagachte yujva ptsuwa'jsamée quījteva jyuca ājawa'jsa' tyā'sna neewe'wepcachte, naa quiwete ptsuwa'jsa nasa na'wē piisarraty neewe'wena ūsu'. Sa' tyā'wērrāa yūumée, fyusá, yu'cj ech tyā'wēsa na'wē vitrraty neewe'wena ūsu'.

²⁴Tyā'wē yūupa'ga Dyusa' tyāawe'shtyi' pu'chmée nvijtcu, peecy ewmée canzh yaacynirrás cytey yuuna fi'nzeczaj, cyajty quījva tjaampa'sarrás puuty ya'ewmée yūuna fi'nze' teechna na'wērraj. ²⁵Tyāawe'sha' isa Dyus ūtyisa yu'sa' jypa'gaya' wa'llra, Dyusmeerrá'styi

jypa'ga. Tyāasaty wejyva Dyus quijnava jyuca pjeu'jrra nviit-sa'síi neewe'wepcachte, naa quiwete Dyus pjeu'jrra nviitnisarrá'styi neewe'wena fi'nze!. Tyā'wē Dyus bagachteva ptsuwa'jmeesa's neewe'wevats, wejy tjaacue ewsa', nava tyā'wē yūumeeta'.

²⁶Tyāa pa'ga Dyusa' pu'chmēe nvijtcu, tyāawe'sh ewmēe canzh yaacynirrá's cytey yuuna fi'nzecajn. Atsa' u'y pwe'shtyi pcal yuuna fi'nze!, tyāawe'sh cacue'siírráa suwwa'jsana pacuena. ²⁷Tyā'wēy pitstjē'jwe'shva nyu yacj zhichcue fi'nzeni yu'sa' nvijtrra, puuty pitstjē'j pwe'shtyi pcal tjaampa'sarrá's cytey yuuna fi'nze!, peecy cacue canzh yaacynirrá's nwēese'jna. Tyā'wē yūurra peecy cacuejūjyrráa ya'castigāywa'ja's uyuyty.

²⁸Tyā'wē Dyusa's nwēese'jya' wa'lyā'tje', Dyusa' pu'chmēe nvijtcu, tyāawe'sh canzh yaacynirrá's nwēese'jrra peecy ma'wēva ewmēe yūuna fi'nzecajn. ²⁹Tyāa pa'gaty ewmeesa yuurráa yuuna pa'j: ptjāawesa, pcal yuunisa, ewsa's jiirrava ewmeerráa yūsáa, Dyus yu's yajcymēe jipju wēenirrá's yaacysa, quijva ewmeerráa yūsáa, vitety atseyaacysa, nasa icjsa, puui quiissa, íshiisa, ewsa yu'sa' weechsa, íshirra caapui'jsa, tyā'wērráa yūsáata'. ³⁰Vitety ewmēe nuywe'wesa, Dyusna atsesa, puuty ya'wēeshusá, peequírráa iivejch yaacysa, vitee dyi'pte iivejch we'wesa, ewmēe yūuwa'j u'sesa pacuena fi'nzesa, neywe'shtyi nwēese'jsamēe, ³¹ewsa's jiyuya' wa'lsa, puuty we'weni's cytey yuusamēe, quim yujnava peeygāasamēe, bagachte yujva yuwe ewuusamēe, quim yujnava pu'chsamēe. ³²Tyāawe'sha' wala ew jiita' tyā'wē ewmēe yūupa'ga Dyus castigote uuwa'ja's. Tyā'wē ew jiirrava, ewmeesa yuurraanaty cytey yuuna fi'nze!. Sa' ūus yujva jipjmeesa yā'tja', tyāasaty vitesa ewmēe yūutste uyrra', wejyva cchjāachja'jna fi'nze!.

Dyusa' isac castigai'

2 ¹Tyā'wē ewmēe yūupa'ga Dyus castigo's jypa'gawa'j jipjta' jīna indya' atsewe'werrava, tyāa nasa ewmeesa na'wē írráang ewmēe yūuna fi'nze' macue Dyusa's jiirrava. ²Peecy jii'tja'w tyā'wē ewmēe yūsatyil's Dyusa' isac castigai' maatyva jyuca. ³Atsa' indya' tyā'wē vitety atsewe'wena Dyus castigo's jypa'gawa'j jipjta' jīrrava indyva tyā'wēyrráa ewmēe yūurra', Dyusa' indya's castigaīmeena ¿sūju'ngá'? ⁴Tyā'wē ewmēe yūuteva Dyusa' peeygājrra āchjii' yu' castigaīmēe ūsa'. Nava tyāa yu' indy ewmēe yūunity nvijtrra tyajy tashte shawendcajn ūytjasna iipe'ja'. ⁵Tyā'wē ūytjasna ūsteva, iindy ewmēe yūunity nvijtrra Dyus tashte shawendwa'j yu'sa' yaaqui'tsmeeng. Tyāa pa'ga ya'castigāywa'ja's jweeírráa nuywalana ūsngu, nmej ente Dyus castigāywa'j en ājtewe'sh. ⁶Tyāa ente' ma'wē yūsarrava, teechna na'wērraj jypa'gatyna tyāawe'sh jī's: ⁷bagachte yujva ptsuwa'jsame's een isa pacuena ewrráa yūuna fi'nzesa' ptsumēe ityi fi'nzewa'ja's jypa'gatyna. ⁸Naapcachja' Dyusa's ajtsena tyajy jycaajni yu'sa' cytey yuumēe ewmeerráa yūuna fi'nzesa'

Dyus castigo seena' yujsa's jypa'gatyna. ⁹Maava ewmeerráa yūusa yuutyi's jyuca castigāywa'l en pa'jana, judiu jil'mée vite nasaty yujva castigāyrra', judiuwe'sh yuutyi' wejy tyā'wē castigāina. ¹⁰Nava maava ew yūuna fi'nzesatyi's Dyusa' ūsuna tyāa yacj wēt wechana fi'nzewa'ja's, judiuwe'shtyi ūsrra', judiu jil'mée vite nasatyva tyā'wēyrráa ūsuna. ¹¹Tyāa pa'gately Dyusa' teechsarráan jytaacue ew jype'je'tsme', jyucaytyi tyāa na'wērrarráac jype'je'.

¹²Moises leya's jiimeesava ewmée yūuna fi'nzesa yu' jyucaysa vituwa'jsa írráata'. Atsa' macue Moises leya's jirrava ewmée yūuna fi'nzesa yu' tyāawe'shva jyucaysa vituwa'jsa írráata', tyāa leya's nwēese'jmeerra ewmée yūupa'ga. ¹³Tyāa pa'gately leya's jiipa'garráa ewte ya'neeyū'tsme', atsa' macue leya's jiimeerrava ley jycaajnyty caavya'ja'jsa yuurráa yuuwemée yuwa'jsata'. ¹⁴Atsa' judiu jil'mée vite nasa macue leya's jiimeerrava ley jycaajni Dyus caaūsutje'jni's caavya'ja'jty ewmeesa yuutyi' nwēese'jméej ewsarrá's cytey yuuna. ¹⁵Tyā'wē yūuwa'ja's Dyusne' caaūsutje'je', tyāa pa'gaty áate caavya'ja'jna ewrráa fi'nze'. Tyā'wē yūuwa'ja's tyāawe'sh ūs yaacyni' caajiyu'ju'ne' quij yūuni ewmeesateva sa' quij yūuni ewsateva tyā'wēy. ¹⁶Atsa' Dyus caajni Jesucristo quijrra', nasaa ūsterráa yaacyni's jyuca áate caajiyu'juna tyā'wē yūuwa'ja'stju andya' pta'shi'.

Judiuwe'sh Moises leya's ji'pjsa

¹⁷Nava indya' na'jī'ng: judiutj, tyāasa Moises leya's ji'ptja'w. Tyāa pa'ga Dyusa's jiisatj jírra iwejchngu yaaqui'. ¹⁸Dyus jycaajni's jiisang, Dyus leya' caapiya'ja'c ewsarrá's tyjitywa'ja's. ¹⁹Yafy ji'pmeesaty jype'jsatj jī'ng, sa' chji'ndyte fi'nzesatyva eena'te cutyil'satj jī'ng. ²⁰Sa' ley ji'ptja'w cyteea' ma'wē fi'nzewa'ja'sva pta'shi'c ewsarráana cytey yuwa'ja's jī'ng.

Tyāasang ma'wē fi'nzewa'ja'sva caajiyu'jsatj jī'. Sa' pytjaacuesatyva pta'shsatj, tyā'wē yuuya' írráa leya's ji'ptja'w jī'ng. ²¹Tyā'wē vitety caapiya'jatsrra', indy yu' ¿quij yūurranga piya'tsmée? Indyíiva pta'shrra': Pesweewa'jme' jī'ng sa' indy yu' ¿quijya'nga peswé'? ²²Indyíi we'werrava: Ptamsayá'ja' vitesa yacj pcal yuwa'jme' jī'ng sa' ¿quij yūurranga indy yu' cytey yu'tsmée? Indyíiva Dyus ityimeesatyi's atse'ng sa' ¿quijya'nga Dyus ityimeesaty peswé'? ²³Dyus leya's ji'ptja'w sūjna iwejchngu yaaqui', nava tyāa ley jycaajni's jyuca nwēese'jmeerra', Dyusa's atsesang. ²⁴Atsa' Dyus libru'te' isa yuj we'we'c na'jīna: judiu jil'mée vite nasa' Dyusa's atsewe'we'ty, nava yuuwesa yu' i'cue'shi'cue jī'c.

²⁵Áchja' na'wē yūunisa's pta'shya'vatj: Moises leya's nwēese'jna caavya'ja'ja'tsrra yu', circuncidāyni's jypa'gawaj yuja'. Nava ley jycaajnyty jyuca caavya'ja'ja'tsmeerra ya'circuncidāyte', circuncidāynimeesanpa írrá'. ²⁶Atsa' circuncidāynimeesarrava leya's jiisa na'wē ew yūuwa'ja's cytey yuute yu', circuncidāyni na'wēysa írrá'. ²⁷Mpa'yajcywe.

Tyā'wēme' circuncidāynimeesarrava, ley jycaajnyty caavya'ja'jsa yu' circuncidāynisawe'shtyi ewmeecjē nviitutyna, macue leya's ji'pjrrava jycaajni's jyuca caavya'ja'ja'tsmeerra ya'circuncidāyte'. ²⁸ Tyā'wē yuwejurrāa judiutj jīsa judiu ya'yu'tsme!, sa' tyā'wēy cacueterrāa circuncidāyrra judiu ya'yu'tsme!, ²⁹ naasāa ūsusj jyuca Dyusa's yajcyna ew fi'nzeterrāac judiu na'wē yuj yuuna ya'pa'ja'. Sa' ewmēe ūus yaacyni's yu'ptjejisarrāa circuncidāyni na'wē. Atsa' tyā'wē ewmēe ūus yaacyni's yu'ptjejsa yuurrá'scu Dyusa' wechá'.

3 ¹ Tyā'wēte', judiurrāa ¿quij wejy tjaacue ewsa ji'pjtyna? Sa' ya'circuncidāyni' ¿quijtega selpi'? ² Tyāawe'sha' ewsa yu'sa' wala ji'pjta'. Tyāasaíi quijteva tjaacue ewsa Dyus yuwe's ji'pjta' tyāawe'shtyi neewe'werra nviitnisa's. ³ Tyā'wē Dyus yuwe tjaacue ewsa's ji'pjrrava judiuwe'sh maáí yu' Dyus yacj fi'nzewa'ja's cytey yuumeete!, ¿quij yuucy? ¿Tyā'wē cytey yuumeeterrāa ¿Dyusva quijteva jyuca pu'chya' puuty we'weni's pu'chmēe yuuma'c? ⁴ Tyā'wē yuumeena. Macue naa quiwete nasa' Dyus yacj fi'nzewa'ja's cytey yuumeeteva, Dyus yu' tyajy pu'chya' puuty we'weni's cytey yuuna. Dyus tyā'wē cytey yūuwa'ja's we'werra!, Dyus libruete na'jī'c:

Tyāa ente cytey yuuni's uyrra',

Íshiimēe isa yuj we'wesa yu'ga jītyna jī'c.

⁵ Cue'sh ewmēe yūunisa' selpi'c tyā'wē ewmēe yūute írrāac Dyusa' tyajy peeygāani's jweefírrāa áate caavya'ja'ja'. Tyāa pa'ga ewmēe yūunisa' seelpisa!, Dyus peeygāani's caavya'ja'jsa jī'ty maáí yu'. Tyā'wēte', cue'sh ewmēe yūuni's ¿ma'jīta'w? Cue'sh ewmēe yūunisa' seelpisate!, Dyusa' ewmēe yūusatyi's castigāyrra!, ¿Dyusva ewmēe yūusarra ma'c tyā'wē yūu? ⁶ Wej yujva ewmēe yūusame!. Dyusa' ¿ma'wē naa quiwete nasa yuuwesaty castigāyrya' ájacy, tyāaíiva ewmēe yūusaarrá'?

⁷ Tyā'wē andy ewmēe yūunisa Dyusa's cytey cyu'ju'jna selpiitste!, ¿andya's quijya'rrāa ewmeeng yūu jīna we'werra castigaícy? ⁸ Tyā'wē yaacysa!: Ewmeesarrá's wejy pa'pchute ewna, ewsa vyaana nes yuucajn jī'ty. Tyāa yu' andya's atsesaty tyā'jī': Pablo' tyā'wēc caapiya'ja' jīna. Tyā'wē we'wesa! Dyus castigo yuurrá's jypa'gawa'jsata'.

Jyucay yuuwesatja'w

⁹ Na'wē' atsa' ¿judiuwe'shrrāa quij yūurra vite nasate jytjaacue ewsa yuucytja'w? Wej yujva tjaacue ewsameetja'w. Tyā'wē judiuwe'shrrāa tjaacue ewsatja'w sūjwe'shte caajiyu'jutstju: judiu ma'c yuu vite nasa ma'c yuu nava jyucaysa ewmēe pcalsarrarrátja'w. ¹⁰ Tyajíic Dyus librueteva na'wē we'we':

Teechrrāa yujva ewsa yu' meeta'.

¹¹ Quim yujva Dyusa's jiyurra pacueya' yaacysameeta'.

¹² Jyucaysa jypumbarra vituni ūsta'.

Tyāasa ew yūuwa'j yu'sa' teechrráa yujva yaaqui'tsmeeta'
mteewe'shrráa yujva.

13 Tyāawe'sh we'weni' uusáa pendani cafya's pjandeni na'wē
canzhsata'.

Sa' tyāawe'sh tjune' ul weeswée veneno na'wē icjsa', ĩshiina
caypumba'jrra.

14 Seena' canzh ewmée we'weni yuurrá's ji'pjta'.

15 Tyāawe'sh chinda' nasa icjya' u'jwa'ja's yuurráaty selpi'.

16 Vitety ñuste caafi'nze'jwa'ja's yuurráaty yajcyna fi'nze'.

17 Ewte caafi'nze'jwa'j yu'sa' yaaqui'tsmeeta'.

18 Dyusa' uyna ũsna sūjna ũucjwa'ja's yu' ji'pjmeeta' jī'c.

19 Dyus librute na'wē ewmeesata' jīna we'we'c tyāa yu' Dyus leya's
jiisawe'shtyi we'werrac tyā'jī'. Atsa' tyāawe'sha' Dyus yacj pdyi'puwa'j
en ājte', yuuwemeesatja'w jīna pasya' ājameetyna quim yujva. 20 Tyāa
pa'gatey leya'srráa yajcyte', maa yujva yuuwemée ewsa ya'yu'tsme', leya'
naasáa quīj tyā'wē ewmeeteva tyā'sna pta'shsarrá' naa pa'ga.

Yuwemeesa yuuya' Cristo's jypa'gawa'ja'

21 Atsa' ley jycaajni's nvijtrra yuuwemée ewsa yuuna pa'jwa'ja's āchja'
Dyusí caajiyu'cj, tyā'wē yūuwa'ja's Dyus leyte tyāniiteycu pta'shna fi'jni
ūsu' Dyusna selpisaawe'sh fi'jni. 22 Tyā'wē yuuwemée ewsa yuuna pa'jya',
naasáa Jesucristo yuurrá's ũusuj jyuca yaacywa'ja', nasa ma'wēsava jyuca.
23 Tyā'wēme' maa yujva ewsamée, jyucay pcalsarrarráa yuuna pa'jrra
Dyus tashte pa'jwa'ja's ji'pjmée ũsta'. 24 Tyāa pa'gac Dyusa' peeygājrra
tyajy tashte yuuwemée ewsa yuuna pa'cjan, Cristo Jesusa's uuwa'j vit
cue'sh yuuwesaty nwe'wecajn. 25 Atsa' Cristo tyā'wē cluuste uunijūc
Dyusa's yaacysa tyāniiteywe'sh pcal peltunāynimée ũsu'ne'ta tyāa pcaltyi
Dyusa' peltunāy, atsa' tyajūty yuuwemeesa jīni yuu. 26 Sa' naa ensuwe'sh
pcaltyiva tyā'wēyrráac Dyusa' tyagachjīi Cristo cluuste uunijūjy
peltunāyrra nvijj, yuuwemeesa yuucajn maava Cristo's jypa'gawa'jsa
yuutyi'.

27 Atsa' ¿quīj yuupa'ga cue'shrráa ewsatja'w sūjna weech yaaquicytja'w?
Tyā'wē yaacywa'ja' ptsuc. ¿Quīj yuupa'gaga iiwejch yaacywa'ja' ptsu?
Jesusa's ũusuj jyuca yajcyrra jypa'ganisa yacja', iiwejch yaacywa'j
caseje'tsme', tyāa pa'gac iiwejch yaacywa'ja' ptsu. Tyā'wēme' nyafii yu'
ley jycaajnyty cyteytju yu' sūjte', iiwejch yaacywa'jrráac caseje'. 28 Tyāa
pa'ga jii'tja'w ley jycaajni's nvijtrra, naasáa Cristo yuurrá's ũusuj jyuca
yajcyrra jypa'gaterráa, yuuwemée ewsa yuuna ya'pa'ja'c nasa ma'wēsava
jyuca.

29 Dyusa' judiuwe'shrráaty pu'chrra', judiu ji'jmée vite nasa yuutyi'
pu'chwa'jsamée váana atsne'cue i'cue'shrráa iiwejch yaaqui'. Tyā'wē
yuumée judiu ji'jmée vite nasatyva pu'chwa'jsaírrá'. 30 Teech Dyusráa

jyucaysawe'shtyi pu'chwa'jsa', circuncidāynisarrava Jesusna ũusuj jyuca yajcyna jypa'gaterráa yuuwemeesa ya'yuuna. Sa' tyā'wēy circuncidāynimeesarrava Jesusna ũusuj jyuca yajcyna jypa'gaterráa yuuwemée ewsa ya'yuuna. ³¹Tyā'wē Jesusna ũuste jypa'gawa'jrrá's pta'shrra', ley yu' pu'chwa'jsame' jírra tyā'jī'tsmeetja'w, wejyva ley jycaajni's cytey yuuwa'ja'stja'w pta'shi'.

Abrahana' na'wēc yuu

4 ¹Cue'sh yatsgawe'sh Abrahana's ũus miijajcywe vacy: Tyā' ¿quijga yūu yuuwemeesa yuuna pa'jya'? ²Abrahana' quijrráava yūurra tyā'wē yuuwemée ewsa yuuna pa'jvatsa', tyā'wē yūurraj ewsa yuuna pa'j sūjna iiwejch yaacywa'ja's ji'pjuwa'j ne' yu'. Nava quijva yūumeerrac ewsa yuuna pa'j, naa pa'ga iiwejch yaacywa'j ji'pjmeec yu'. ³Tyajiíc Dyus librute pta'shrra': Abrahana' ũusuj yuurráac Dyusa' cytey yuuna sūjna yajcy. Tyā'wē yaacypa'garráa ewsa yuuc jī'c. ⁴Peecy jii i'cue: Quijrráava mjīipa'ga ducjnisa' peenisame'; tyā' mjīipa'ga ducjnisa', yuula's dewenisa'. ⁵Nava quij yujva yūumeerrava, naasáa pcalsaty nwe'wesa Dyusa's yuurráa ũusuj jyuca yajcyterráa, Dyusa' tyā'sa' yuuwemeesac vitu'. ⁶Tyajiíc quij yujva yūumeerrava yuuwemeesa yuurra wechana fi'nzewa'ja's Davida' we'we na'jīna:

⁷Yuuwemeesang jīna Dyusa' we'wete',

Yuuwemée neeyūusaawe'sha' wechanaty fi'nze'.

⁸Maanava tyāawe'sh pcaltiyi cjūcjte', wechana fi'nzetya jī'c.

⁹Na'wē wechana fi'nzewa'ja's pta'shi'c tyā' ¿circuncidāynisawe'sh jīirráa váana, meerra' circuncidāynimeesawe'sh jīi yā'jrra váanacy? ¿Maa sūju'cue? Ew jiyuya' Abrahana's miijajcywe. Tyā' ũusuj yuurráa Dyusa's yaacypa'ga yuurráac yuuwemée yuuna pa'j jī'c. ¹⁰Atsa' Abrahana' ¿bagachga tyā'wē ewsa yuuna pa'j? ¿Circuncidāynijū', meerra' circuncidāynimey vā' yuuwemée ewsa yuuna pa'j? Ew jīitja'w circuncidāyni yuumeycu yuuwemée ewsa yuuna pa'j. Tyāa e'suc Abrahana' circuncidāyni yuu. ¹¹Nava tyāa circuncision yu' naasáa Dyusa's ũusuj jyuca yaacypa'ga yuurráa yuuwemeesac yuu jīna cacuete sñal qui'pnisarrá'. Tyāa pa'gac Abrahana' tata na'wē caseje', macue circuncidāynimeesarrava Dyusa's ũusuj jyuca yaacysawe'sh maava jyucaysaty. Atsa' maava Abraham na'wēy circuncidāynimeesarrava ũusuj jyuca yaacysa yuutyi's Dyusa' tyā'wēyrráa yuuwemeesa vituna. ¹²Abrahana' circuncidāynisawe'shteva isa tata na'wēsa yuja', tyāawe'sh yuu Abraham na'wēy Dyusa's ũusuj jyuca yaacywa'ja's ji'pjute yu'.

Ūusujrráa Dyusa's yaacypa'ga Dyus puuty we'weni' cytey yuuni

¹³Ayteva Abrahana' na'wērráac yuu tyā'sna miijajcywe: Abraham vite' tyajy jī'ljwe'sh jīi Dyusa' puuty we'wec naa quiwe's jyuca

tyāawe'shrrarráa yamuwa'ja's. Nava Abrahamana' leya's yaacypa'garráa tyā'wē Dyusa' yamuwa'ja's puuty we'weme', naasáa Abrahamana' ūusuj yuurráac Dyusa's jyuca yajcy, tyāa pa'ga yuurráac ewngu yuu jírra naa quiwete yamuwa'ja's vit. ¹⁴Tyā'wē leya's nwēese'jsarráa naa quiwe's yamuwa'jsavatsa', ūusujrúaa Dyusa's yaacysa' yamuwa'jsamée ne'ta yu', atsa' quiwe ūsu'nja jīna Dyus puuty we'wenisa' cyulne' yuuwa'lj yu'. ¹⁵Ley ūste', tyā'sna cytey yuumeerra', yuuwesac ya'yu'. Nava ley meete', ¿ma'wē leya's cytey yuuya' ya'ájacy?

¹⁶Tyā'wē leymée pa'gaírráac Abrahamana' ūusuj yuurráa Dyusa's jyuca yajcy, atsa' tyā'wē yaacypa'gac Dyusa' naa quiwete jyuca yamuwa'ja's puuty we'we Abrahaman ji'ljwe'shtyi. Tyāa puuty we'wenisa' leya's ji'pjsawe'sh jīrráa meea', Abrahamva ma'wēga Dyusa's ūusuj yuurráa jyuca yajcy tyā'wēy yūsawe'sh jīi yā'jrta. Tyāa pa'ga Abrahamana' cue'sh jyucaysate tata'. ¹⁷Tyājíc Dyus libruteva na'jī': Nasa maanzcuēesateva jyucaysate tata yuuwa'jsa indya's nviitutstju jic Dyusa'. Dyus yacja' quīj yujva tjēyme'. Tyā' uusaatyva qui' ityi vitu'c, sa' quīj yujva vyaawa'jmeeteva, caavya'ja'ja'c.

¹⁸Dyus Abraham yacj puuty we'wenisa' wej yujva cytey yuuwa'jsamée na'wērráac yu'. Nava Abrahamana' tyāa sūjmée Dyus we'weni' cytey yuuna sūjnarráac ūuste yu'acj. Atsa' Dyus we'werra': Indy ji'ja' iiméj seena' cuj yuutyna jīna we'weni' cytey yuuyujc. Tyāa pa'gac nasa maanzcuēesateva jyucaysate tata yuu. ¹⁹Abrahamana' uuwa'ja'srráa yā'cj ūytjasna ūsu', cien añu ji'pjutsyā'cj yu' naa pa'ga. Atsa' Sara' bagachte yujva luuch ji'pjuwa'jsameec yu', tyā'wērrámée tjē'cjueyā'cj yu'. Macue tyā'wēteva, Dyusa' pu'chjina sūjwa'lj yuurrá'scu ji'pju' Abrahamana'. ²⁰Tyāasac Dyus we'weni's jypumbana cuj jwend yajcymée Dyusa' cytey yuuna sūjna yuurráa yajcyna Dyusa's wecha. ²¹Tyāa pa'gatey Dyusa' tyajy we'weni' yu'sa' jyuca cytey yuuwa'jsa' sūjna yuurráac fi'nze. ²²Tyā'wē Dyus we'weni's ma'wērráa yujva jypumbamée cytey yuuna sūjwa'lj yuurrá's ūuste yaacypa'gac Dyusa' Abrahamana's yuuwemeesa vit. ²³Nava Abrahamrúac yuuwemée ewsa yuu jīna fi'ljni yuume'. ²⁴Cue'shtyiva ja'nda we'werrac tyā'jī', tyāa pa'gatey cue'shva Jesusa's ityi vit-sa Dyusa's ūusuj jyuca yaacypa'garráa yuuwemeesatja'w. ²⁵Cue'shtyi yuuwemeesa vit-ya'fírráac Dyusa' Jesucristo's pcalsawe'sh pa'gate uuwa'lj vittra qui' ityi vit.

Yuuwemeesa yuupa'ga Dyus yacj fi'nzewa'ja's uyni

5 ¹Tyā'wē Dyusa's ūusuj yuurráa jyuca yaacypa'garráa Dyusa' cue'shtyi's yuuwemeesac vit atsa' áchja' Dyus yacj wēt fi'nzewa'ja's ji'lptja'w, cue'shtyi jype'jsa Jesucristo nwe'wepa'ga. ²Tyā'wē Cristo cue'shtyi nwe'wepa'ga yuurráatja'w Dyus yacj wēt fi'nzewa'tje pa'lj, Jesucristo's ūusuj jyuca yaacypa'ga. Tyāasa áchja' Dyus tashte pa'ljwa'ja's ji'lptja'w, tyāasatja'w wala wechá'. ³Sa' Dyus tashte pa'ljwa'ja'srráa

yajcyrra wechamée, naa quiwete ñuswa'ja'sva wecha'tja'w, tyāa pa'gately ñuswa'j en pa'tje', jweelírrác Dyusa's chjächja yaacywa'j caseje'. ⁴Atsa' Dyusa's chjächja yaacywa'j casejte, Dyus yacj tyuteméc ya'fi'nze'. Atsa' Dyus yacj tyutemée fi'nzerra', Dyus luuchtja'w sūjwa'ja's ya'ji'pju'c. ⁵Atsa' Dyus luuchyā'ja', wej yujva ya'tjame'tsme', tyāa pa'gately cue'sh ūuste Dyus Espiriturráa jyuca cjēerra ūsna Dyus peeygāanirrás caajiyu'jna.

⁶Cue'shrráa yu' ya'nwe'wewa'ja's ājameeyā'tje', Cristo naa quiwete quīwa'j en ājte' pa'jrra cue'sh ewmeesa pa'gate uuc nwe'weya'. ⁷Quim yujva nasa ewmeesaty peeygājrra nwe'weya' uumeena. Meerra' maafi yu' tyā'wē yuuváatyna, nava nasa ewsaterráa tyā'wē yuutyna. ⁸Cue'sh yacj yu' tyā'wē ewmeesa pa'gate uuwa'ja' wala tjēya', nava Dyusa' cue'sh ewmeesateva peeygājrra tyajy Nchi'ca's naa quiwete caacj, ewmeesa cue'sh pa'gate uucajn. ⁹Tyā'wē Cristo cue'sh pa'gate uupa'ga nwe'wenisatja'w yuu, sa' nmej ente castigo iiméj seena'sate yu' wejy nwe'wenisa yu'nja'w. ¹⁰Tyāa pa'gately cue'sha' Dyusa's atsesateyujva, tyāa yacj fi'nzewa'ja's vitcu Cristo's uuwa'j vitrra, na' āchj yu' Cristo uupa'ga yuuwemeesatja'w na' wejy nwe'wenisa yu'nja'w. ¹¹Tyā'wē yūupa'gatja'w Dyusa's wala wechá', cue'shtyi nwe'wesa Jesucristo' Dyus yacj fi'nzewa'ja's vitcu naa pa'ga.

Adan yacj Cristo yacja' ja'ndameeta'

¹²Pcala' naa quiwete teeche nasate yuurráa u'carrac uuwa'ja's vit, tyāa pa'gaty jyucaysa naa cacue uuwa'ja's ji'pju, pcalte wetepa'ga.

¹³Ley casejmey, pcala' naa quiwete ūsyā'cj yu'. Nava ley pta'shrra: Naa ewmeesa' jīna pta'sh ja'ndamée yu', ewmeesana sūjwa'ja's ya'ji'pju'tsmeene'. ¹⁴Ley yu' meeteva, pcal ūsyā'tje íty Moises meetey Adanwe'sh jyucaysa peecy cacue uuwa'j ena's ji'pju, Adan na'wēy yu' mée yūurra pcalte weteteva, uu ena' ja'ndarrarrác pa'j. Ew yajcyte yu', Adana' naa quiwete quīwa'jsa ūsu'c tyāa na'wēsac yu'.

¹⁵Nava Adan pcal yacj vite' cue'sh ewte neeyūunisa yacja' wej yujva ja'ndameeta'. Teeche pitstjē'j pcalte wetepa'ga yuurráa jyucaysaty uuwa'ja's ji'pju, naapcachja' teeche pitstjē'j Jesucristo pa'ga yuurráa jyucaysaty tyāa pcaluj ewte neeyūuwa'ja's ji'pju. Tyā' jyucaysatycu nwe'we naa pa'ga jytjaacue wala ewsa yu'. ¹⁶Teeche pitstjē'jsa pcal yuuc tyāa pcal yacj Dyus ūscu ewte neeyūuwa'ja's tyāa yacja' wej yujva ja'ndameeta'. Tyāa pa'gately teeche teendyil'j pcal yūunisarráa maanzcuēe us pcalsateva ājsac yu', naapcachja' Dyus ūscu ewte neeyūuwa'ja's tyā' maanzcuēe pcal ji'pjsateva tyāaju yuuwemeesac vitna pa'j. ¹⁷Teeche yuuwe yuupa'garráa, uuwa'ja' nescu yuuna pa'j. Atsa' bagachte yujva psumée ityi fi'nzewa'ja' wejy tyā'wē bagachteva nes yuuna Jesucristopa'ga.

¹⁸Adan ewmée yūunisa' jyucaysatycu ewmeecjē vitna pa'j, naapcachja' Jesucristo ew yūunisa' nasa jyucaysatycu yuuwemée ewsa vit. ¹⁹Tyā'wē

teech pitstjē'j Dyusa's nwēese'pja'gameerráa jyucaysaty pcalsa yuu, naapcachja' teech pitstjē'j Dyusa's nwēese'pja'garráa jyucaysa yuuwemeesaty yuuna pa'j.

²⁰ Quíjrraj yúunisa tyā'wē pcalteva jyuca āate jiyucajn írráac leya' casej. Atsa' pcala's tyā'wē ew jiyutspcachja', Dyus peeygāanisa yu' jwee írráac tjaacue wala vyaa. ²¹ Pcala' uuwa'ja'scu vit, naapcachja' Dyus peeygāani' psumée ityi fi'nzewa'ja'scu vit Jesucristo nwe'wepa'ga.

Pcala's nwēese'jmée Cristo yacjrráa ityi fi'nzewa'j

6 ¹ Dyus peeygājna peltunāyni' jweeírráa nes yuucajn, ¿pcalte fi'nzena nesmtja'w yuu? ¿Maa sūju'cue'? ² Cue'sha' peena yu' pcalte fi'nzewa'jsameetja'w, tyāa pa'gatey pcaluj tyuteerra peena yu' nwēese'jwa'jsa meeyā'tja'w, sa' ¿quíjya'rráa jwee pcalte fi'nzena nes yuucytja'w? ³ Meerra' jiyu'tsmeevá'cue, nava maava Cristo Jesus yacj fi'nzeya' yu'te ya'bautisāynijū', Cristo yacj ja'nda uusáa na'wētja'w yu'. Yu'te ya'bautisāyni tyā'wē Cristo yacj ja'nda uurra pendaní na'wē yúunisa'. ⁴ Tyāa pa'ga cue'sha' uurra pendani na'wēsatja'w yuu, atsa' Cristova ma'wēga Dyus pu'chte uunijūva qui' ityi yuu atsa' cue'shva tyā'wēy yuusaatja'w. Tyāasa wala ew fi'nzewa'j jiptja'w.

⁵ Cue'sha' Cristo yacj ja'nda uusáa na'wē yuurra, tyāa yacj fi'nzena ūstja'w, tyāa na'wēy ityi yuurra. ⁶ Tyāasa jii'tja'w Cristo' cue'sh pcala's iviituya' cluuste uuc, cue'sha' peena yu' pcalte fi'nzeczajmen. ⁷ Atsa' pcala' peena yu' jycaajya' ājawa'jsame', tyā'wē uusáa na'wē yuusa yā'tyji's. ⁸ Tyāa pa'gatey cue'sha' Cristo yacj ja'nda uusáa na'wē yuurra āchja' tyāa yacj ityi fi'nzena ūstja'w naa pa'ga. ⁹ Cue'sha' jii'tja'w Cristo' uurrava qui' ityi yuunijūyā'ja', uu ena' peena yu' pa'ljmeena tyā'sa'. ¹⁰ Cristo' pcala's nmej iviituya' teendyij' yuurráac uu, tyajūyā'ja' bagachte yujva peena yu' uuya'mée. Sa' āchja' Dyus yacj ityi nes yuuwa'jsa' bagach enteva. ¹¹ I'cue'shva tyā'wēy uusáa na'wērráa mfi'nzewe, pcala's peena yu' nwēese'jmée naasáa Dyus yacj yuurráa mfi'nzewe, Jesucristo's pi'cyrra.

¹² Pcala' peena yu' jycaajwa'j jipjme' i'cue'sh cacuete, nava nwēese'jevá'cue atsa' tyāaí qui' jycaajana. ¹³ I'cue'sh cacue's pcalte cselpi'jnuwe, wejyva Dyus cusete mecselpi'jwe, tyāa pa'gatey Dyusa'srráa selpiiya' sūjrra qui' ityi yuusáa na'wēsa i'cue naa pa'ga. Atsa' i'cue'sh cacue' Dyus cusete ewsa yuurráana selpiina. ¹⁴ I'cue'sha' jii i'cue, leya' nwe'wewa'jsame', naa pa'ga āchja' Dyus nwe'wenite ūsi'cue atsa' pcala' peena yu' i'cue'sh cacuete jycaajwa'j jipjme'.

Dyusa's yuurráa selpiiya' utyani

¹⁵ Tyā'wē leya' nwe'weya' ājāmeeyā'tje', ¿qui' pcalteyrráa fi'nzemtja'w, Dyus nwe'wenite ūsrrava? Wej yujva pcalte fi'nzewa'jme'. ¹⁶ I'cue'sha' ew jii i'cue, selpiina nwēese'jya' sūjrra maava patron tashte pa'jrra', tyāa

yuurrá's i'cue nwēese'ljna selpi'. Tyā'wēyírrá' pcalá'srráa nwēese'tje', ewmeete vituwa'ljrráac caseje', naapcachja' Dyusa'srráa nwēese'tje', Dyus yacj ew fi'nzewa'ljrráac caseje'. ¹⁷I'cue'sha' nyafiia' pcalá'srráa i'cue selpisáa yu'. Nava áchja' Dyus pu'chte', úusuj jyuca wechana i'cue caapiya'ljni ewsa's jypa'ga tyā's yuurráana nwēese'ljna. ¹⁸Tyāasa i'cue pcaluj tyuteyá'ljrra', ew yūuna Dyusna selpiina fi'nzewa'tje pa'j. ¹⁹(I'cue'sh ew jiyucajntju naa quiwega selpinisa yacj caaja'nda'ljrra pta'sh.) Nyaffíva ma'wēcue i'cue'sh cacue's ewmeeterráa cseelpi'ljna úsu', tyā'wēy áchja' Dyus cusete yuurráa ya'mducjwe i'cue'sh cacue's tyāa yuurrá's selpiiya'.

²⁰I'cue'sha' nyafiia' ew yūuna fi'nzewa'ja's nwēese'jmée pcalte yuurráa fi'nzena úsrra', ²¹cyte' ¿quijcue ewsa uy, tyā'wē tjaampa'terráa fi'nzena úsrra'? Tyā'wē fi'nzete', naasáa uuwa'lj yuurráac vya'. ²²Nava pcaluj tyuteyá'ljrra', Dyusna selpiwa'tje i'cue pa'j, atsa' cyte yuurra' ewsa vyaayuju'fic. Tyā'wē yūurra', quij pcal yujva ji'pjímée fi'nzewa'ja's ya'jypa'ga'c, sa' nmej ente' bagachte yujva ptsuwa'jmée ityi fi'nzewa'ja'sva ya'ji'pjuna. ²³Tyā'wēme', pcalá' naasáa uuwa'ja's yuurráac úsu'. Nava Dyusa' bagachte yujva psumée ityi fi'nzewa'ja'scu peesu', Cristo Jesus nwe'wepa'ga.

Ptamuní ley yacj caaja'nda'ljni

7 ¹Yacjtjē'ljwe'sh maava leya's jiisa' peecy jii i'cue leya' naa quiwete nasa nee ityiyterráa jycaajya' ájawa'jsa'. ²Ptamuurra fi'nzeni leya's miijajcywe vacy: U'y iimi'sa' tyajy nmi' uu ja'ndamée yu' vite yacj iimi'ya' ájawa'jsame'. Tyā'wē tyajy nmi' uumey vite pitstjē'lj yacj utyaarra fi'nzerra', pcal yuusac yu' ji'c. ³Nava nmi' uunijūyá'ja', peena yu' tyā'wē jycaajna nes yuuya' ája'tsme', atsa' tyajy nmi' uunijū' vite pitstjē'lj yacj iimi'ya' ájawa'ja'scu jycaaja'.

⁴I'cue'shva tyā'wēy Cristo tashte utyaasá' uusáa na'wēsai'cue, atsa' leya' uusa's jycaajya' ájawa'jsame'. Atsa' áchja' i'cue'sha' Cristo uurra qui' ityi yuuc tyajy nasai'cue, Dyus yuurráana selpiina fi'nzewa'jsa. ⁵Tyā'wē Cristo tashte utyamey, cue'sh ewmée yūuya' yaacynity ley pta'shrra': Ewme' jī'c tyāatyírráac wejy tjaacue yaacy wēe yuu. Atsa' tyā'wē yaacypa'ga Dyus castigote uuwa'ljrráac yuu. ⁶Nava áchja' leya' cue'shtyi tjengwa'lj ji'pjme'. Tyāa pa'ga áchja' Dyus Espiritu jycaajnrá's nwēese'ljwa'lj ji'ptja'w, leya's yajcymée.

Andy úuste pcal ússa

⁷Tyā'wēte', leya' ewmeesana ¿sūju'cue'? Wej yujva tyā'wēme'. Tyāa leya' naasáa quij tyā'wē pcalteva pta'shsarrá'. Ley pa'gameevatsa', andya' jiyuwa'jmée ne'tca yu' quij tyā'wē pcalteva. Ley pta'shrra': Vite jīity cusa'lj wēena ewmée yūuwa'ja's yajcyna fi'nzewa'jme' jímeevatsa', andya' jiyuwa'jmée ne'tca yu' tyā'wē yaacynisa' pcalteva. ⁸Ley pta'shrra': Tyā'wē

yaacyni' ewme' jiniñũc andy ũuste jweeírráa ewmée yũu wēenisarráa ũusutje. Ley tyãljĩmeevatsa', pcalna sũjwa'j casejwa'jmeene' yu'.

⁹ Andya' nyafii' ley pta'shni's jiyumey yu', yuuwemeesatj sũju'rráatj.

Nava ley pta'shni's jiyuniñũc jweeírráa ewmée yũu wēe yuu. Tyã pa'gatj isa yuuwesa ne'tca sũjwa'ja's ji'pju. ¹⁰ Tyajutj isa ew jiyu, leya' nwe'wepcachte, ewmée yũuwa'ja's chjãachja'jsarráac yuu andy yacja'.

¹¹ Tyã pa'gatey pcala' leypa'gaiírráac jweeírráa chjãchjarra andya's Dyus castigote uuwa'j vit.

¹² Tyãwērrava, leya' ewmeesame', tyã pa'gatey leya' quíjteva jyuca ew yũuna fi'nzewa'ja'srráac jycaaja'. ¹³ Tyãwē leya' ewsarra', ¿ma'wēqui'c andya's Dyus castigote uuwa'j vit? sũju'tj. Nava ley tyãwē uuwa'j vitme'. Ewmée yũu wēenisac Dyus castigote uuwa'j vit. Isa ew jiyute yu', ley jycaajni ewsa's nwēese'jmée ewmée yũu wēenisarrá's nwēese'pja'gac tyãwē pcal yu'. Atsa' tyã pa'gac nwēese'jnimeesa' pcalna sũjna jiyuniñũ' yuuwesa uuwa'j ya'yu'.

¹⁴ Jiitja'w leya' Dyus yacj fi'nzewa'ja's yuj pta'shi'c. Nava Dyus yacj fi'nzemée ewmée yũuwa'ja'srráatj yajcyna fi'nze', naa pa'ga yuuwesa' andytju. ¹⁵ Andya' jiyu'tsmeetj ma'wērra ne'tca andyna selpiwa'jsa yu'sa' cytey yuumeerra', andyna ewmée vitwa'jsa yu'sa' cytey yu'.

¹⁶ Ley pta'shrra' ewme' ji'c atsa' ewmeesateva jiíratj tyã ewmeesa's írráa cytey yu', tyã pa'gatj leya' yuuwemeesana sũju'. ¹⁷ Peecyrráa tyãwē ya'yu'tsmeene'. Andy ũuste ewmeesa ũsna tyãane' tyãwē ewmée yũuwa'ja'srráa caaũusutje'je'. ¹⁸ Tyã pa'gatj andy ũuste' quíj yujva ewsa yu' meena sũju'. Tyajírráa ne'tca ewsa's nwēese'j wēerrava, cytey yuuya' aja'tsmée. ¹⁹ Naasáa selpiwa'jmeesarrá's cytey yuurra', selpiwa'jsa yu'sa' cytey yu'tsmeetj. ²⁰ Na'jĩ'tj na': Andyna ewmée vitwa'jsa yu'sa' cytey yuurra', peecyrráa tyãwē ya'yu'tsmeene', andy ũuste ewmée caaũusutje'jsa ũsna tyãane' ewmeesarrá's cytey yuwa'ja's caaũusutje'je' atsne' tyãwē ya'yu'.

²¹ Tyajírráac ewsarra's cytey yu'nja sũjteva, ewmée yũuwa'jrráa caseje'. ²² Andy yu', Dyus leya's cytey yu'nja sũjteva, ²³ andy ũuste ewmeesa ũsna tyãac ew yũuwa'ja's caaũusutje'je'tsmée. Tyãasac andya's ewmeete yuurraa jype'je'.

²⁴ Andya' seena' yuj ajmeesatj. Atsa' andya's ¿quim nwe'wecy naa cacue na'wē uuwa'tje yuurraa pe'jna u'juetsa' tyãajũ? ²⁵ Tyãwēteva Jesucristo' pejca nwe'wec tyãajũ, tyã pa'gatj Dyusa's wala wechál. Tyãwēme', nyafii' yu' Dyusa's selpi'nja sũjrrava, andy ũuste ewmée yũuya' yaacynírrá'stju selpi'.

Dyus Espiritu's nwēese'pja'ga Dyus yacj fi'nzewa'cj caseje'

8 ¹ Tyãwē Cristo Jesus nwe'wepa'ga, cue'sh cacue ewmée yũuya' yaacyni's nwēese'jmée naasáa Dyus Espiriturrá's nwēese'jna

fi'nzesawe'sh yacja' áchja' quíj castigo yujva meea'. ²Tyāa pa'gately Dyus Espiritu' ityi caafi'nze'l'waj'sa' nwe'wec tyā'wē pcalterrāa fi'nzenijū, sa' uuwa'tjerrāa yā'l'j ūsteva tyāajūva nwe'wec, Cristo Jesus yacj fi'nzepa'ga. ³Moises leya' cue'sh cacue ewmēe yūunijū tyujndeya' ājameeyā'tje', Dyusa' tyajy Nchi'ca's caacj nasaa cacue's ūsrra. Atsa' tyāa cacue yacj cluuste uurrac pejca nwe'we, pcala' peena yu' ewmēe yūuna caafi'nze'cjamen. ⁴Tyā'wē cluuste uurrac cue'shtyi nwe'we, cue'sh cacue ewmēe yūuya' yaacyni's wej yujva nwēese'jmēe Dyus Espiriturrá's nwēese'tje', Dyus leya' quíjteva jyuca ew yūuna fi'nzewa'ja'srrāac jyaaja' tyā'sna pejca cytey yuuya' ājacajn.

⁵Tyāa pa'gaty ewmēe yūuna fi'nzenijū nwe'wenisa' Dyus yacj fi'nzewa'l'jrrá's yajcyna fi'nze', naapcachja' ewmēe ūs yaacyni's yu'ptjejnimeesa' ewmēe yūuwa'ja'srrāaty pa'pchuna fi'nze'. ⁶Atsa' ewmēe yūuwa'ja'srrāa pa'pchute', Dyus castigote uuwa'l'jrrāac caseje'. Nava Dyus Espiritu's nwēese'tje', ūuste wēt fi'nzewa'cj caseje'. ⁷Tyā'wē ewmēe yūuwa'ja'srrāa pa'pchusa', Dyusa's atsesata'. Tyā'wērraíty Dyusa's nwēese'je'tsmēe, sa' leya'sva cytey yuuya' āja'tsmeeta'. ⁸Tyā'wē ewmēe yūuya' yaacyni's yu'ptjejnimeesa' Dyus yacj iwejndyi fi'nze'tsmeeta'.

⁹Nava i'cue'sha' Dyus Espiritu's ūuste ji'pjrra', ewmēe yūuya' yaacyni's nwēese'je'tsmeei'cue, naasāa Dyus Espiriturrá's i'cue nwēese'je'. Atsa' Dyus Espiritu's ūuste ji'pjmeesa' Cristo jīimeeta'. ¹⁰Nava Cristo' i'cue'sh ūuste fi'nzena ūste', macue cacue yu' pcalpa'ga uuwa'jsateva Dyusa' i'cue'shtyi' qui' ityi vituna, tyāa pa'gately Dyusa' i'cue'shtyi yuuwemeesac vit naa pa'ga. ¹¹Tyā'wē Cristo Jesus uunijūva qui' ityi vit-sa Dyus Espiritu' i'cue'sh ūuste fi'nzena ūsrra', i'cue'sh uuteva qui' ityi vituna pety cacue yā'l'jrra.

¹²Tyāa pa'ga Dyus Espiriturrá's nwēese'jna fi'nzewa'jsatja'w, ewmēe yūu wēenisa's nwēese'l'waj' ji'pjmeetja'w. ¹³Tyā'wē ewmēe yūu wēenisa's nwēese'jna fi'nzerra', bagachte yujva Dyus yacj fi'nzewa'l'jmeete u'juene'cue. Nava Dyus Espiritu' pu'chte ewmēe yūu wēenisa's nwēese'jmēe jyucate nvijtrra', bagachte yujva ptsumēe ityi fi'nzewa'tje u'juene'cue.

¹⁴Atsa' maava jyucaysa Dyus Espiritu' jype'jnisa' Dyus luuchta'. ¹⁵Ew mjiyuwe: I'cue'shtyi jype'l'jsa Dyus Espiritu' nyafii ley ma'wēga seena' jyaaja' tyā'wē seena' juuna' jycaajwa'jsame', wejyva Dyus luuch yuucajn pu'chsarrá' ūucjmēe wechana fi'nzeczajn. Tyāasaíic cue'sh ūuste na'wērrāa caaūusutje'l'je' Dyusa' cue'sh Tatana sūjwa'ja's. ¹⁶Tyāasac Dyus Espiritu' cue'sh ūuste cjēerra cue'shtyi caaūusutje'l'je' Dyus luuchtja'w sūjwa'ja's. ¹⁷Tyā'wē Dyus luuch yā'ja', Dyus jī's jyuca jypa'gawa'jsatja'w. Dyusa' tyajy jīi yu'sa' jyuca Cristo's ūsuna tyā'sna cue'shva jypa'ga'nja'w Cristo yacj ja'ndarraaj. Nava Cristo yacj pytjaa yuwa'ja's ji'pjurra yuurrāa cielute tyā'wē jypa'ga'nja'w Cristo yacj ja'ndarraaj.

18 Cielute tyā'wē seena' wēt wēt-sa's jypa'gawa'jsatja'w, tyāasa naa quiwete pytjaa yuunisa's le'chcuērráa yujva yaacywa'lj ji'pjmeene'tca'w sūju'tj. 19 Tyāa pa'gafírráaty Dyus pjeu'jrra nviitnisa quíjquíjva jyuca tyacue wala ūytjasu', áchjii yu' tyacue wala ñusna ūsrrava, Dyus luuch jyucaysaty jyucate nwe'wewa'lj en seena' zhichcue yūuwa'ja's. 20 Tyā'wē Dyus pjeu'jrra nviitnisa quíjquíjva jyuca ñusna ūscajní jyucaty ewmeeterráa nviitni neeyūu. Tyāasaty Dyus nwe'wewa'lj ena's tyacue wala ūytjasu', Dyus pjeu'jrra nviitnisa' peecyrráa tyā'wē ewmeete neeyūumeeta', Dyusa' ma'wē nwe'wewa'ja'sva jiirrane' ewmeete weteyā'tje', tyagachjii yu' nwe'wemée cytee nvijt. Tyāa pa'gaty tyacue wala ñusu'. 21 Atsa' Dyus nwe'wewa'lj en ájte', tyajū yuurrá' quíjquíjva jyuca áchj na'wē ewmeete ūsta' tyāajū nwe'weni yuutyna Dyus luuch yacj ja'ndarra. 22 Jiitja'w áchjii yu' quíjva jyuca wala yuj seena' pytjaa yuuna u'y nasate yaacasá na'wē pembeena ūsta'. 23 Nava Dyus pjeu'jrra nviitnisarráamée tyā'wē pytjaa yuuna ūsta'. Cue'sha' Dyus ūsni yu'sa' jyuca jypa'gawa'jsarra nyafyte ūsni tyajy Espiritu's jypa'gayā'tja'w. Nava cue'shva ja'nda pytjaa yuuna ūstja'w, cue'sh cacue qui' ityi yuuwa'lj en ájte Dyus luuch jyucaysaty jyucate nwe'wewa'lj ena's ūytjasna. 24 Tyā'wē cue'sh cacue qui' ityi yuuwa'jsate fírráac Dyusa' nwe'we, atsa' ityi yuuwa'ja's jiirratja'w ūytjasu', tyā'wē yuuwa'lj en pa'jyujuna sūjna. 25 Tyā'wē ityi yuuwa'ja's jiimeevatsa', ¿quíjya'rráa ūytjasucytja'w? Nava tyā'wē yuuwa'lj en ájmeya', nava e'surráava áayujuna sūjnatja'w ūytjasu'. 26 Tyāa pa'gafírráac Dyus Espiritu cue'sh ūuste cjēerra pu'chna cchjāachja'ja'. Cue'sha' Dyus yacj ma'wē puuty we'wewa'ja'sva jiimeerra shiingutsteva, Dyus Espiritu' cue'sh pa'gate Dyus dyi'pte wala pa'pchu'c iiméj wala ñus yajcyna. 27 Atsa' Dyusa' ūus yaacyni's jiisa', tyāasac Dyusa' jiyu tyajy Espiritu yaacyni's, Dyus Espiritu' naasáa Dyus cytey yuuwa'ja'srráac jytjāasu' cue'sh jyucaysa pa'gate.

Quíj yujva tyujndemeetyna Dyus yacj fi'nzesaty

28 Cue'sha' ñuswa'lj ena's yaacywa'lj ji'pjmeetja'w, tyāa pa'gatey en ma'wēsava pa'jrrava, tyāa yu' jyuca selpiwa'jsarrarráata' Dyusna yaacysawe'sh yuutyi's tyā'sa' ew jiitja'w. Sa' tyāawe'shtyi' quíj yuuya' ne' Dyusa' tyjityj tyāa yu'sa' cytey yuuna. 29 Tyāasaíic maarra. 29 Tyāasaíic maarra ne'ta tyajy tashte pa'jwa'jsa yu' tyāa yuutyi' jyuca jiyurra nyafii entey tyjityj tyajy Nchi'c na'wēy yuucajn, atsa' tyajy Nchi'c yu'sa' nyacj ntjé'jsa yuuwa'jsac vitrra nvijt. 30 Sa' tyajy tyjityjnisatyi's tyajy tashte nuypa'cj, sa' tyajy tashte pa'jsatyi's yuuwemeesac vit, sa' yuuwemée vitnisatyi's tyajy Nchi'c yacj ij ūswa'jsac vit.

31 Dyusa' cue'shtyi's tyā'wē seena' ew yūute', ¿quim cue'shtyi' ewmeete nvijt-ya' ájacy? 32 Dyusa' tyajy Nchi'ca's yujva ūchji'ndymée cue'sh jyucaysa pa'gate cluuste uurra nwe'wecajn ūscu. Tyajy Nchi'ca's yuj ūsutsrra',

cue'sh quijcue peejini yu'sa' wejy tjaacue tjẽymée ūsuna. ³³Dyus tyjityjrra yuuwemée vitnisatyi!, ¿quim ewmeesata' jīya' ājacy? ³⁴Cristo' cue'shtyi nwe'weya' uurra qui' ityi yuurra āchja' Dyus patsu ju'ngte ūsa' cue'sh ju'ngu we'we pu'chna, atsa' ¿quim cue'shtyi ewmeete nviyt-ya' ājacy? ³⁵Na'wē' atsa' Cristo peeygāanisatyi's ¿quijrrá' tyajū tyujndeya' ājama'c? Meerra' űuswa'j en, yaatsewa'j en, pcyuuwa'j en, wēje en, sūpyrráa nviitwa'j en, ūucjūucjte yuurráa fi'nzewa'j en, icjte uuwa'j en quijva tjẽysa pa'jana. ³⁶Tyajíic Dyus libruteva tyā'wē yūuwa'ja's we'werra' na'jī':

Dyus yacj fi'nzepa'ga icjte uuwa'jsarráatja'w,

Piishacuè's icjya' jyūna u'jnisa na'wē quij enteva jī'c.

³⁷Macue tyā'wē seena' yuuwa'j en pa'tjeva, tyāatyi' jyuca cnaywa'jsatja'w, cue'shtyi peeygāasa Cristo pu'chpa'ga. ³⁸Tyāa pa'ga Dyus peeygāanijū' quij yujva tyujndeya' ājawa'jsame's ew jiitj: uu en ma'c yuu, meerra' naa quiwega ityi fi'nzewa'j ma'c yuu, Dyus angeleswe'sh ma'ty yuu, echtjē'j angeleswe'sh ma'ty yuu, meerra' echtjē'j yuu ma'c yuu, meerra' āchj naa ensu nacue seena' yuutsta' tyāa ma'ty yuu, meerra' vite en seena'sa yujna tyāa ma'ty yuu, ³⁹meerra' infernojuwe'sh seena'sa ma'ty yuu, nava Dyus peeygāanijū' quij yujva tyujndeya' ājameena, tyāa pa'gatey cue'shtyi jype'jsa Cristo Jesus nwe'wenisa yā'tja'w naa pa'ga.

Dyus Israelwe'shtyi tyjityjni

9 ¹Andy jī'j judiwe'shtyi iiméj wala peeygājna bagachteva andy ūuste űusna yuurráatj fi'nze'. ²I'cue'sh pa'gate andya' Cristo yacj ūswa'ja's iiviitute!, i'cue'sh jyucaysa ewte neeyūune'jvatsa', andya' peeygāaweete cytey yu'nja sūju'tj. ³Andya' i'cue'shtyi tyā'wētj wala peeygāja' jīrra' īshiirra tyā'ljitsmeetj, tyāa pa'gatey Cristo yacj fi'nzesarra' Dyus Espiritu caaūusutje'j'nirrá'stju we'we'. ⁴Andy jī'jwe'sha' Dyus tyjityjnisata', naa pa'ga Dyus luuchta'. Tyāapa'gac Dyusa' tyāawe'sh cshavyte pi'cyna ūsu' eena' cweetjna. Sa' ma'wērraj pu'chwa'ja'sva puuty we'wec. Leynava ūscu. Dyuus yatte ma'wē yūuwa'ja'sva pta'shcu. Sa' quiwe's jyuca yamuwa'ja'sva puuty we'wec. ⁵Tyāawe'sha' nyafyte Dyus tyjityjnisa Abrahan jī'tja', atsa' tyāawe'sh jī'tjec Cristo upyjna ūsu' nasaa cacue yacj. Tyāa Cristo' Dyusírráac yu', bagachteva tuutje'jni yuuwa'jsa.

⁶Israelwe'shtyi Dyusa' nwe'weya' puuty we'wec tyā'sa' cytey yuumée yu' yuume!. Israel jī'j judiwe'sha' maafí yu' Dyus luuch yu'tsmeeta', tyāa pa'garráac maafí yuutyi' cytey yuumée. ⁷Tyā'wēy Abrahan jī'jva jyucay yu' Dyus tyjityjnisa yu'tsmeeta', tyajíic Dyusíiva na'jīna āate pta'sh: iindy nchi'c Isaacte upysarráa iindy jī'j andy tyjityjnisa yuutyna jī'c. ⁸Atsa' Abrahan jī'tja'w naa pa'ga Dyus tyjityjnisatja'w sūjwa'ja's jī'pjmeeta' jyucay yu', naasáa Dyus puuty we'wenite upysarráa Abrahan jī'tja'. ⁹Tyāa pa'gatey Dyusa' na'jīnac Abrahan yacj puuty we'we: En ājte!, shawendu'nja, atsa' Sara' teech nchi'c jī'pjuna jīc.

¹⁰Tyā'wē Isaac upywa'ja'srráa we'wemée, Rebeca nchi'c e'nzsa upywa'ja'sva we'wec. Tyāawe'sh neya' Isaacu yu', cue'sh yatsgawe'sh. ¹¹Sa' tyāa e'nz nchi'csa upyuumeyna, Dyusa' tyjityjcu tyāawe'sh ma'wē yūuna fi'nzeni's uymeyrrava. ¹²Tyāasac Dyusa' na'wē we'we Rebeca's: Nyacj yatstewe'sha' e'stewe'sha's selpisáa yuuna jīnac we'we. Ew jiyute yu', Dyusa' ew yūsarráaty tyjityjwa'jsa yu'tsme', maatyva tyajy wendyni yuutyi' tyjityjwa'jsarrác yu' tyā'wē yūuwa'ja's caajiyu'jnac macue judiu jil'tjeva pyacj e'nzīi yuutyi' tyjityjmée, teechsarráana tyjityj. ¹³Atsa' Dyus libruveva tyā'wēyrráa we'wena fi'jni ūsa': Jacoba's peeygājti, nava Esaua's peeygājmeetj jī'c.

¹⁴Dyusa' ¿ewmeesarra ma'c tyā'wē ma'wēsatyva tyjityji'? Ewmeesa yu'tsme'. ¹⁵Tyā'wēmeerraíic Moisesa's na'jīna we'we: Andya' ma'wēsanava peeygājarrá'nja, sa' tyā'wēy ma'wēsanava pu'chjirrá'nja jī'c. ¹⁶Tyā'wē cue'sh quijrráava pa'pchurra Dyus peeygāani's ya'jypa'ga'tsme'. Cue'sh cacueju quijva pa'pchumeeteva Dyusa' peeygājarrác maatyva. ¹⁷Dyusa' ma'wēsanava peeygājarráana, sa' tyā'wēy wa'lwa'jsa yu'sa' ma'wēsanava cytee nviiturráana. ¹⁸Tyāasafí Egipto quiwete jycaajsa's Dyus libruve pta'shi'c na'jīna: Indya's jycaajwa'jsatj vit, andy quijya'va jyuca ājani's iindypa'ga nasa jiyucajn, sa' andya's quimteva naa quiwete jyuca jiyucantju indya's tyā'wē yūu jī'c.

¹⁹Tyā'jite', na'wē yaaquine'nga: Dyusíi ne' ma'wē yūuwa'ja'sva vitu', atsa' cue'sha' yuuwemée ne'tca'w sūjune'nga. ²⁰Nava ūus miijajcy: Cue'sh ma'wē yuuwala'jsateva Dyusa' jiirrane' tyā'wē yū', atsa' indya' tyā'wē yaacywa'l jil'pjmeeng. Quiwe mityja' ¿Quijya'nga andya's tyā'wē umu'? jīsaate jiimeetja'w. ²¹Mityj umsa' ma'wē mityja's umwechteva tyajy wendyni yu'sa' viturráana, tyāa quiwe's írráa ewte selpiwa'jsa, vite' ewmeete selpiwa'jsa.

²²Dyusva nasatyí' tyā'wēy yu' vit. Sa' maafityi's wa'lpa'ga castigo seena'sate ūswa'jsa vitrrava, peeygājrra macue tyachva ūytjascu dund yu' castigaímée. ²³Sa' vite wa'lsameetyi's ēe walate seena' zhichcues'a's jypa'gawa'jsac vit, tyā'sna jypa'gawa'jsatyí' nyaffi enteycu tyjityj. Atsa' cyteewe'sha' cue'shtja'w tyajy peeygāanisa. ²⁴Dyusa' maatyva tyjityjwa'jsarrá', tyāasaíic maafityi' judiu jil'jtyva tyjityj, sa' judiu jil'jmée vite nasatyva tyjityjcu. ²⁵Tyā'wē maatyva tyjityjwa'jsa Oseas libruve na'jīnac we'we:

Andy tyjityjnimeesateva, andy nasa vitu'nja.

Sa' andy peeygāanisameeteva, andy peeygāanisa vitu'nja jī'c.

²⁶Sa' nyaffi we'werra': Andy luuchmée i'cue jírrava, tyāa e'su': Dyus ítyisa luuch yuune'cue jīna we'wena jī'c.

²⁷Nava Israelwe'shtyi we'werra' na'jī'c Isaiasa': Israelwe'sh jil'ja' cuet muse na'wē seena' cujsarrava, cujméerráa ewte neeyūutyna. ²⁸Ewsa' cujméerráa yuucajnīi wa'lsatyi's dund iviituna Dyusa' jī'c. ²⁹Tyā'wē yūuwa'ja's we'werrac Isaiasa' na'jī':

Dyus quĩjteva jyuca ājasa judiu jil'jty manzcuē nvijtmeevatsa',
Sodoma vite' Gomorra chjamb na'wē jyucate vituwa'jsa ne'tca'w yu'
jī'c.

Yuuwemeesa yuuya' Cristorrá's jypa'gani

³⁰ Āchja' na'wē yūuni's miiyajcywe: Judiu jil'jmée vite nasa' yuuwemeesa yuuwa'ja's pacuesameerrava, Cristo's ūuste wa'lmée jypa'gasa yuupa'garráa yuuwemeesaty yuuna pa'j. ³¹ Naapcachja' Israelwe'sha' yuuwemeesa yuuna pa'jya' sũjrra leya'srráaty cytey yuuya' yajcy. Nava leya'srráa yajcyrra', yuuwemeesa yuuya' ājameeta'. ³² ¿Quij yuurrata ājamée? Yuuwemeesa yuuya' Cristo's ūusuj jyuca yajcyrra jypa'gameeta' naa pa'gaty ājamée. Cristo's ūusuj jyuca yaaquipcachte, leya'srráaty yajcyna ūsu', tyāasaty wala jypumba. ³³ Tyā'wē jypumbawa'ja's Dyus libroute na'wē pta'shna fil'jni':

Andya' Jerusalen chjambte cuet qui'putstju, maafityi' caypumba'jrra pētywa'jsa.

Nava maava tyā'sa' jypumbasamée yu', ñuste neeyūumeetyna jī'c.

10 ¹ Yacjtjē'jwe'shtyi isatj we'we': Israelwe'sh ewte neeyūuvatsa' sũjrratj ūusuj jyuca Dyus yacj puuty we'we'. ² Andya' jiiit Israelwe'sha' wala yuj Dyusa's pacuena pa'pchuna fil'nze'ty, nava ma'wē Dyusa's pacuewa'ja'sva ew yu' jiimeeta'. ³ Tyā'wē ew yu' jiimeerafity yuuwemée ewsa yuuya' sũjrra tyāawe'shtyi ma'wēne' ew tjengu' tyā'srráanaty cytey yuu wēje', Dyusna ma'wē pacuewa'ja'sva Dyusí pta'shna nvijtcu tyāa yu'sa' cytey yuumée. ⁴ Tyā'wē Moises ley jycaajwa'j en scjēwnijū' Cristo jycaajwa'jsa', yuuwemée ewsa vit-ya' ājawa'jsa tyā'sna jypa'gasa yuutyi's. Nava tyā'sna pacuemée leya'srráa cytey yuu wēete', yuuwemeesa ya'yu'tsme'.

⁵ Tyajfiic ley jycaajni's nwēese'jrra yuuwemée ewsa yu'nja sũjna yaacysatyi's Moisesa' na'l'jina fil'j: Maava ley jycaajni's jyuca cytey yuusa' een isa ew fil'nzewa'jrrá's jil'pjutyna jī'c. ⁶ Nava yuuwemée ewsa yuuna pa'jya' yu', Cristo's ūusuj jyuca yaacywa'ja's Dyus libroute na'wēc pta'shi': Cristo' quĩjyā'cj atsa' cielun pe'jya' u'l'jwa'ja's yaacywa'jme'. ⁷ Sa' tyā'wēy Cristo' ityi yuuyā'cj atsa' pendaniicjēva pe'jya' u'l'jwa'ja's yaacywa'jme'. ⁸ Tyā'wē tjēysa's yaacyajmení, Dyus yuwe ewsa' iindy yuwete ij ūsa', tjēymée ūuste cjēeya' jī'c. Dyus yuwe iindy yuwete ij ūsa' jī'c tyā'sna tjēymée jypa'gawa'ja'stja'w pta'shi'. ⁹ Atsa' na'wērráa myūu: Dyus Nchi'c Jesucristo uuteva Dyusí qui' ityi vitcu sũjwa'ja's jil'pjurra Cristo yuurrá's nwēese'jya' jypa'gawa'ja'. Tyā'wē yuurra' ewte neeyūune'nga. ¹⁰ Tyā'wē ewte neeyūuya', Jesucristo's ūusuj jyuca yajcyrra jypa'gawa'ja', sa' āateva tuutje'l'jwa'ja'.

¹¹ Cristo's ūuste jypa'gasatyi's Dyus libroute na'wēc we'we': Tyā'sa' ūuste jypa'gasa' maa yujva ñuste neeyūumeetyna jī'c. ¹² Sa' judiu jil'j vite'

judiu ji'ljmeesava tyāa na'wērrarrāa yuuwemée ewte neeyūuwa'jsata', tyāa pa'gatey Jesucristo' jyucaysaty nwe'wewa'jsa'. Atsa' tyā'sna neewe'wesa yuutyi'sa' maatyva jyucaysaty pu'chwa'jsa'. ¹³Tyajíc Dyus librute na'wē we'we': Maava jyucaysa ūusuj yuurráa jyuca yajcyna Dyusa's neewe'wesa', yuuwemée ewte neeyūutyna jī'c. ¹⁴Nava ¿ma'wē neewe'weya' ājatyqui, tyā'sa' ūuste ji'pjmeerra'? Sa' ¿ma'wē ūuste jypa'gaya' ājatyqui, tyā' nwe'wesa' jīna pta'shni's iiwēse'jmeerra'? Sa' ¿ma'wē wēse'jya' ājatyqui, quimva tyāa yuwe's pta'shmeete'? ¹⁵Sa' ¿ma'wē tyāa yuwe's pta'shya' ājatyqui, quimva caajmeete'? Tyāa yuwe's pta'shsaty we'werra', Dyus librute na'jī'c: Yuwe ewsa's pta'shna pa'jni' wala yuj ewsa', tyāa pa'gatey wechana fi'nzewa'ja'styi pta'shi' jī'c.

¹⁶Tyā'wēteva, jyucay yu' jypa'ga'tsmeeta' ewte neeyūuwa'ja's pta'shteva. Tyajíc Isaiasva na'wē we'we': Cue'sh pta'shni Dyus yuwe's ¿quimrrá' nwēese'jrra cytey yuuta'? jī'c. ¹⁷Tyā'wē Dyus yuwe pta'shni's ew jiyunijíc ūusuj jyuca jypa'gawa'j caseje', atsa' tyāa pta'shnisa yu' Cristo'scu we'we'.

¹⁸Tyā'wē pta'shteva meerra' ¿wēse'jmeevá'ntacy? Pejca wēse'jyuj ne'ta, tyajíc Dyus libruteva na'jīna we'we':

Tyāawe'sh pta'shni's jyuca ya'wēse'cj.

Naa quiwete mtee mteeva jyuca pa'cj jī'c.

¹⁹Macue tyā'wē yuuteva, Israelwe'sh yu' ¿jyumeevá'ntacy? Tyāawe'sha' jiyuyujne'ta, nava jypa'gameeta'. Tyāawe'shva jiyumée yu' neeyūumeene'ta. Tyajíc Moisesa' Dyus we'weni's na'wē pta'shi':

Andya' vite nasaty ew yūurra i'cue'shtyi kuj caayaqui'ji'nja,

Atsa' ūuschawa'ja's uyuune'cue, nasa Dyusa's jiimeesa ūsta' tyāawe'shtyi andy luuch vitpa'ga jī'c.

²⁰Isaiasva Dyus we'weni's na'wēc āate pta'shi':

Andya's pacuena pa'pchumeerrava, uytyi.

Atsa' andya' āate vyaatj paapējyna andyna pacuemeeteva jī'c.

²¹Nava Israelwe'shtyi we'werra' na'jī'c Dyus librute:

Andya' pa'yana nestju yu' nasa wa'lsaty jī'c.

Israelwe'sh jyucate yu' vitunimée

11 ¹Tyā'wē pa'yateva pasmeeyā'tje', Dyusa' tyajy tyjityjnisa Israelwe'shtyi' ¿ajtsema'c? sūju'tj. Nava wej yujva tyā'wē yuume'. Tyā'wē ajtsemeerra'ic andya' Israel nasa, Abrahan ji'lj, Benjamin nchi'ctewe'shtju nava nwe'we. ²Dyusa' Israelwe'shtyi nyafiitey tyjityjrra, āchpcach ajtsemée ipe'ja'. I'cue'sha' jiine'cue Dyus yuwe pta'shsa Elias Dyus yacj puuty we'weni's. ³Cyte' na'jī'c: Iindy yuwee pta'shsaty'i's icjtyi sa' iindy altalnava jyuca iviituty, naasáa andy yuurráatj neeyūu. Nava andynava icj wēje'fírráaty jíte', ⁴Dyus pasrra': Dyus ityimeesa Baal tashte peejyūcuesamée siete mil nasa tyjityjrra ji'ptju andy jīi, atsa' andyrráatj

neeyüu sūjwa'l j'i'pjmeeng jīc. ⁵Naa ensuva tyā'wēyrráa Israelwe'sh maaíi yu' Dyus tyjityjnisa ūsta' tyajy peeygāanisa. ⁶Dyusa' peeygājrra tyjityjcu. Nava ew yūuna fi'nzepa'ga tyā'wē tyjityjme', naasáa peeygājrra yuurráac ewmeesateva tyjityj. Atsa' ew yūuna fi'nzepa'garráa Dyusa' tyjityjvatsa', Dyusa' peeygājrrac tyjityj jīya' ājame'nja'w.

⁷Israelwe'sha' ewte neeyüuwa'ja's pacuerrava tyanzíi yu' uymeeta', vite yu' Dyus we'weni's nwēese'jmeeta' naa pa'ga. Naasáa Dyus tyjityjnisa maaíírráaty ewte neeyüuwa'ja's uy. ⁸Atsa' tyā'wē nwēese'jwa'jmeea's we'werrac Dyus librute na'jī':

Dyusa' tyāawe'shtyi' jiyuwa'jmeesac vit.

Atsa' yafy j'i'prrava uysamée na'wérráata', sa' tǰū'wē j'i'prrava wēse'jsamée na'wérráaty neeyüu.

Āchpcach tyā'wérrarráata' jī'c.

⁹Tyajiíc jycaajsa Davidva na'wē we'we:

Tyāawe'sh wechana fi'nzeni' ewméerráa casejvatsa' ewna, castigāyni yuucajn.

¹⁰Tyāawe'sh yafya' peecy suweetyna, uyya' ājacajmén.

Tyāawe'sha' bagachte yujva ew fi'nzeya' ājameevatsa' ewna jīc.

Judiu j'i'jmeesava Dyus peeygāanisa

¹¹Judiuwe'sha' jypumbarra weteyā'jrra', ¿peena yu' Dyus tashte shawendwa'jsameetymañ? Wej yujva tyā'wē yuua'jsameeta'. Tyā'wē judiuwe'sh wa'lpa'ga, judiu j'i'jmée vite nasatycu ewte neeyüuwa'ja's pta'shni yuu, atsa' vite nasa Dyus yacj fi'nzetste uyrra', judiuwe'shva qui' shawendya' yaacyaj. ¹²Judiuwe'sha' ewte neeyüuwa'ja's jypa'gaya' wa'lpa'ga, naa quiwete judiu j'i'jmée vite nasa jyucaysatycu selpí, tyāasa judiuwe'sh jyucaysa Dyus tashte qui' shawendniǰū' wejy wala selpiina.

¹³Āchja' judiu j'i'jmée vite nasa jīnisa i'cue'shtyi we'weya'vatj, tyāa pa'gatey andya' judiu j'i'jmée vite nasaty Dyus yuwe's pta'shya' caajnisatj, tyāasa cytey yuuya'vatj. ¹⁴Tyā'wē yūute', i'cue'sh ewte fi'nzeni's andy jil'j maaíi yu' uyrra', i'cue'sh na'wēy ewte fi'nzewa'ja's pacueya' yaaquiváatyna sūju'tj. ¹⁵Judiuwe'sh e'scǰē nviitni yuupa'ga judiu j'i'jmée vite nasaty Dyus yacj wechana fi'nzewa'ja's j'i'pju. Tyāasa judiuwe'sha' Dyus tashte qui' shawendna pa'jrra', uuniiǰū' qui' ityi yuusáa na'wēsa yuutyna. ¹⁶Ū'tash quiǰva nyafytewe'sha's Dyus jīi peeste', neeyūsáava jyucac Dyus bendecīyni yu'. Fytūu tasha' Dyus jīite', cu'tava jyuca Dyus jīirraráata'.

¹⁷Judiuwe'sh maaíi yu' uujnisa olivo fytūu cu'ta's spē'tjni na'wēty yuu. Atsa' tyāa spē'tjnite yu' uujnimeesa olivo cu'ta's pūpyrra caywetse'jnisa na'wē i'cue yuu, i'cue'sh judiu j'i'jmée vite nasarrava. Tyāasa i'cue tyāa fytūu tash na'wēy ewsa yuuna pa'l, olivo fytūu tash ityisate caywetse'jni yuupa'ga. ¹⁸Nava tyāa cu'ta spē'tjnisate jytjaacue ewsatj sūjna yu'

yaacynu. Mpa'yajcy, tyā'wēme! cu'ta pūpynisa tyā'wē fytūu tash ityi yuuwa'ja's ūsu'tsme!; fytūu tash quiwete iwejtsesac cu'ta pūpynisa's ityi yuuwa'ja's ūsu!

¹⁹Tyā'wēteva, naa sūjuvā'nga: Tyāa fytūu cu'ta spē'tjnite caywetse'jya' andya's peejyne'ta yu', tyāasane'ta cu'ta dyij yu'sa' spē'tj sūjune'nga. ²⁰Nava indya's cytee caywetse'jya' sūjrra spē'tjni yuumeeta'. Tyāawe'sha' Cristo's jypa'gaya' wal'tyi tyāa pa'ga yuurráaty spē'tjni yuu. Naapcachja' indya' Cristo's wal'meeng jypa'ga, tyāa pa'ga yuurráang tyāawe'sh ūsnite yu' indy pa'jya' āja. Tyāa pa'ga iwejch yajcymée, wala jypa'yacy mfi'nze. ²¹Tyā'wēme!, Dyusa' judiu tyajy tyjityjnisa yujtyva tjēyméc cutyi'j na' indya's yu' wejy tyā'wē tjēymée cutyi'jina jypa'yacymeete!. ²²Ūs miiyajcy: Dyusa' wala yuj peeygāasa'. Nava juuna'ya'va tyā'wēyrrá'. Nwēese'jsamée yacj yu', wala yuj juuna'sa'. Nava indy yacj yu' wala yuj peeygāasa'. Tyā'wēyā'tje!, tyajy peeygāanijū tyutemée mfi'nze. Tyā'wē yuumeerra', indyva cutyi'jnisa yuune'nga. ²³Nava judiuwe'sha' Dyusa's qui' pacuerra yu', Dyus tashtey tjēymée qui' pa'jya' ājatyna, tyāa pa'gately Dyusa' tjēymée jypa'gawa'jsa'. ²⁴Tyā'wē indya' judiu jilmée vite nasang yu' na's yujva tjēyméc ewsate yuutya. Naapcachja' judiuwe'sh yu' Dyus tyjityjniasaty yu', atsa' tyāawe'shtyi' wejy tjēymée qui' jypa'gana.

Israelwe'sh Dyus tashte jyuca shawendni

²⁵Yacjtjē'jwe'sh, Dyus ma'wē yūuya'varrava tyāa yuurráac jii yu' tyā'sna mjiyuwe āchja' iwejch yajcyna fi'nzeya'mée: Judiuwe'sh maaíi yu' tyā'wē yuj Dyusa's nwēese'jmeerra tyuteety. Nava judiu jilmée vite nasa maanzcuēesa Dyus tashte pa'jwa'jsa ūstyna tyāa jyuca ājpcachrráaty judiuwe'sha' Dyus tashu tyutee. ²⁶Sa' vite nasa jyuca Dyus tashte pa'jna jyā'jatspcachja', judiuwe'sha' qui' jyucay nwe'wenisa yuutyna. Tyā'wē yūuwa'ja's Dyus librute na'wēc pta'shi':

Nwe'wesa' Jerusalen chjambu pa'jrra',

Jacobwe'sh ewmée yūuni's tyundena.

²⁷Tyā'wē ewmée yūuni's tyujndeya'tj puuty we'we tyāawe'sh yacj jī'c.

²⁸Tyā'wē i'cue'sh ewte neeyūuwa'ja's jip'jucajnrráaty judiuwe'sha' Dyusa's atsesa yuu. Nava Dyusa' tyāawe'sh yuutyi' atse'tsme', tyāa pa'gately judiuwe'sha' nyafiitey Dyus tyjityjniasaty yu' naa pa'ga. ²⁹Tyāa pa'gately Dyusa' ūsyā'jrra', cusa'ja'tsme', sa' pa'yayā'jrra', wal'lu'tsme'. ³⁰Nyafíia' i'cue'sha' Dyusa's jiimeerra nwēese'jsamée i'cue yu'. Nava āchja' judiuwe'sh nwēese'jetsmeete yu', i'cue'sha' Dyus peeygāanisa i'cue yuu. ³¹Nyafíia' i'cue'shva ma'wēcue nwēese'jsamée yu', tyā'wēy judiuwe'shva āchja' nwēese'jmée ūsta'. Nava i'cue'shva ma'wēcue Dyus peeygāani's jypa'ga, tyā'wēy jypa'gaya' írráa tyā'wē nwēese'jmée ūsta'. ³²Tyā'wē teechsarráa tjaacue ewsatj sa' tjaacue peeygāanisatj sūjcajmencu e'nzúity ja'ndarra'j nwēese'jwa'jmeete vit tyāa na'wērrarráa peeygājya'.

³³Dyusa' ma'wě yūuwa'ja'sva seena' yuj zhichcue ew pjeu'jrra ji'pjune' tyā'sna yajcyte', le'chcuerráa yujva ya'jiyu'tsme', sa' pta'shya'va ya'āja'tsme'. ³⁴Dyus ūs yaacyni's ¿quimrrá' jiyusa ūstymañ? ¿Quimrrá' Dyusa's caapiya'jsa ūstymañ? ³⁵Quijquijva jyuca Dyus jīrrarráata' tyajy nviitnisa, atsa' ¿quimrrá' andy ji'stju Dyusa's pees jīwa'jsa ūstymañ? ³⁶Tyāasa Dyusa' seena' yuj wala ewsa' bagachteva nes yuuwa'jsa. Tyā'sa' seena' yuj wala wechawa'j ji'ptja'w.

Cue'sh ĩtyi fi'nzeni's Dyus cusete ducjni

12 ¹Andy yacjtjē'jwe'shtyi neewe'we'tj: Dyusa' tyacue wala peeygāapa'ga, āchja' i'cue'sh ĩtyi fi'nzeni pety cacueyā'jrra jyuca quij pcal yujva ji'pjmée tyajy cuseterraráa ya'mducjwe, Dyusa's yuurráa selpiina fi'nzeya'. Dyusa' tyā'wě yūuni'scu jytjāasu' naa pa'ga cytey yuuwa'j ji'ptja'w. ²Āchjūyā'ja' naa quiwetewe'sh na'wěy yu' fi'nzenuwe, wejyva i'cue'sh fi'nzeni i'cue'sh ūs yaacyni tyāaty jyuca myu'ptjējwe, quijteva jyuca u'se yuuna pa'lja'. Tyā'wě yūurra Dyus jytjāasni ewsa, tyajy dyi'pte zhichcue wēt fi'nzenirrá's jiyune'cue.

³Dyusa' peeygājrra andya's neewe'wec i'cue'shtyi yu'cypejcajn, tyāa pa'ga yu'cypejwa'j ji'ptju: Andyrráatj tjaacue selpi' sūjna maa yujva iiwejch yaacywa'j ji'pjmée i'cue, naasáa quijte selpiwa'jsa ne' Dyusa' nvijt tyā's yuurráana cytey myūuwe, wala jypa'yacyna. ⁴Nasaa cacue's miiyajcywe: Tyā' teechráarrava wala kuj jwend ji'pja', sa' fiyfiyrrajty selpi', teeche cacuetewe'shrráa we'shrrava. ⁵Tyā'wěy cue'shva wala kujrrava, jyucaysa Cristo yuurrá'stja'w selpi', jyucaysa cyteerraj fiyfiyrraj selpiina.

⁶Cue'sh selpiiya' ājawa'ja's Dyusa' fiyfiyrrajc ūs, quijterraj selpiiya' ājawa'jsa ne'tca'w yu' tyāa yu'sa' jyucac ūs. Atsa' tyāaty' wala jypa'yacy iijyūwa'j ji'ptja'w. Meerrava Dyusa' tyajy yuwe's pta'shya' ājawa'ja's ūste', tyajy caajiyu'jnirrá's cytey yuuwa'j ji'ptja'w. ⁷Vitesaty selpiina fi'nzewa'ja's ūste', tyā'snava cytey yuuwa'j ji'ptja'w. Sa' maava caapiya'jya' ājasa' tyā'sa' cytey yuuwa'ja'. ⁸Nuste fi'nzesaty puuty pu'chya' ājasa' tyā'wě yūuwa'ja's nviitwa'jme'. Peesya' yaaquitsrra', caashwendu'juna sūjmée tyā'wě peeswa'ja'. Dyus luuchtyi jype'jsa', wala jypa'yacy jype'jwa'ja'. Peejiina fi'nzesaty pu'chsa', wechana pu'chwa'ja'.

Dyusa's jiisa' na'wě yūuwa'ja'

⁹Teechsa na'wērraj puuty ya'peeygāawa'ja's mji'pjuwe, ĩshimée ūusuj jyuca yajcyne. Ewmeesa's nwēese'jmée ewsarrá's cytey myuuwe. ¹⁰Yacjtjē'ja's juuna' yuumée wejyva yacjtjē'ja' tjaacue walasa' sūjna puuty ya'mpeeygājwe.

¹¹Dyusa's selpiwa'ja'srráa ūusuj jyuca wechana mpa'pchuwe, wa'l yajcymée.

¹²Ewte pa'jwa'ja's jii i'cue tyāa pa'ga wechana mfi'nzewe. Ñuswa'j en pa'tjeva tyā'sa' yajcymée, bagachteva Dyus yacj yuurraa puuty we'wena mfi'nzewe.

¹³Yacjtjē'jwe'sh peejiina fi'nzesawe'shtyi' mpu'chwe. I'cue'sh yatte pa'jsatyva wa'lmée mpa'gawe.

¹⁴I'cue'shtyi ajtsena pcyuusaty ca'tu yu' ewrraa myūuwe, wejy yuuva tyāawe'sh pa'gate Dyusa's mneewe'wewe nwe'wecajn.

¹⁵Wechasaa yacj i'cue'shva wechaa mpu'chwe, sa' ñussa yacj i'cue'shva ñus mpu'chwe.

¹⁶Puuty ja'ndarraj ewrraa mfi'nzewe. Jytjaacue jiiit sūjrra iiwejch yajcymée, ajmecuusa na'wēyrraa mfi'nzewe.

¹⁷Macue ewmée yūusaateva, ca'tu yu' ewmée yuuwa'jme'. Ew yuuwa'jrrá's pa'pchuwa'ja' jyucaysaty.

¹⁸Jyucaysa yacj ew fi'nzewa'jrrá's mpaacuewe, i'cue'shtyi ma'wē wejy ew tjenguna tyāa yu'sa' jyuca cytey yuuna. ¹⁹Yacjtjē'jwe'shtyi neewe'we'tj i'cue'shtyi ewmée yūusaaty ca'tuva ewmée yūuwa'ja's pacuena fi'nzeczajmén. Tyā'wē yūumée wejyva indyna ewmée yūusa's cuch yuunu, Dyus castigāywa'jsa' naa pa'ga. Tyajíc Dyus libroteva na'wē we'we': Ewmée yūusaty castigāywa'jsa' andytju. Andy jiine'tca jī'c. ²⁰Tyā'wē ca'tu ewmée yūuwa'ja's yajcymée na'wē myūu: Indyna atsesa ū'wa'j jī'pjimée wēena fi'nzetste', ū' mpuuts. Sa' yū'wēena fi'nzetste', tundywa'jva mes. Indya' tyā'wē yūurra', caytjame'jene'nga jī'c. ²¹Indyna ewmée yūusa's caacnayu'jnu, wejyva indy cjuē'y mecny, ca'tu' ew yūurra.

Naa quiwete jycaajsawe'sh ma'wēsatyva nwēese'jwa'ja'

13 ¹Naa quiwete jycaajsawe'sh ma'wēsatyva jyuca nwēese'jna mfi'nzewe. Tyāawe'sha' jyuca Dyus nviitnisarrarráata'. Maa yujva Dyus nviitnimeesa yu' meeta'. ²Atsa' maava jycaajsawe'shtyi atsesa' Dyus nviitnisaty atsesa yuuna. Tyā'wē atsesa' yuuwesa castigāywa'j yuuna. ³Jycaajsa ūsta' tyāawe'sha' ew yūuna fi'nzesaty' castigāywa'jsameeta'. Tyāawe'sha' ewmée yūuna fi'nzesarráaty castigāywa'jsata'. Atsa' jycaajsawe'shtyi ūucjmée fi'nze wēerra', tyāawe'sh yu'cypejnyty jyuca nwēese'jna mfi'nzewe. Tyā'wē yūusaty' nwe'wewa'jsata'. ⁴Tyāa pa'gatey jycaajsawe'sha' Dyus nviitnisata', indyna pu'chwa'jsa. Nava indya' ewmée yūuna fi'nzerra', ūucjwa'j jī'pjune'nga, tyāa pa'gatey jycaajsawe'sha' peecyrraa ūsmeeta', tyāawe'sha' Dyus nviitnisata'. Tyāa pa'ga ley ma'wē jycaatje', cytey yuutyna ewmée yūusa's castigāyna. ⁵Tyāa pa'ga jycaajsawe'shtyi nwēese'jwa'ja', nava castigo's ūucjrrarráa nwēese'jmée, wejyva Dyus jycaajni's cytey yuutstju sūjna nwēese'jwa'ja'. ⁶Tyāawe'sha' Dyus nviitnisayá'jrra', tyāawe'sh tjengwa'j yu'sa' quijnavá jyucaty cytey yuuna fi'nze'. Tyāa pa'ga tyāawe'shtyi ducjwa'j vyu's ūswa'j jī'pji'cue. ⁷Quijrraj yuuwa'j jī'pjrrava, tyā'sa' cytey yuuwa'ja': vyuu gobierno jī's

yuulrra', tyã'snava ducjwa'ja'. Sa' maarrajty nwëese'jwa'l' ji'pjrrava, tyãawe'shtyi' nwëese'jwa'ja' wa'lmée.

⁸ Quīj yūuwa'ja'sva jyuca cytey yuūwa'ja', quīj yuul yujva ji'pjmée fi'nzeyā', naasāa puuty ya'peeygāawa'ja's yuurraa bagachteva ji'pjuna nes yuūwa'ja'. Tyā'wē puuty ya'peeygāasa' Dyus jycaajni leya's cytey yuusaarra tyā'wē yuuna. ⁹ Dyus leya' na'wēc jycaaja': Ptamsayā'ja' vite yacj canzh pcal yuūwa'jme'. Nasa icjwa'jme'. Pesweewa'jme'. Vitety īshiina nuywe'wewa'jme'. Vitee jīity cusa'j wēena fi'nzewa'jme' jī'c. Atsa' tyāa jycaajnyti' jyuca cytey nwëese'jya' na'wē yūuwa'ja': Vitetyva mpeeygāj, indy ma'wēnga ya'peeygāja' tyā'wēy jī'c. ¹⁰ Tyā'wē puuty ya'peeygāawa'ja's ji'pjrra', ewmée yūuwa'l' yu'sa' ya'yajcymeena. Na'jī'tj na': Peeygāanisa's ji'pjte yuurraac Dyus jycaajni leya's quījte yujva peejymée jyuca cytey ya'yu'.

¹¹ Tyā'wē peeygāawa'ja's jypa'yacymeene'cue atsa' āchja' jwee'fīrrāa utyaana u'juetsa' cue'shtyi' jyucate nwe'wewa'j ena', tyāa pa'ga jypa'yacy meswe. ¹² Tyā'wē yūuwa'l' ena' pa'jya' jytjēyumeena, tyāa pa'ga chji'ndyte fi'nzeni's nvjīrra, eena'te fi'nzewa'ja's jypa'yacywa'l' ji'ptja'w. ¹³ Na'wē yūumée: ewmée yūuwa'l'rrā's yajcyna, canzh pcal yuuna, puuty yajtsena puuty puiina, beca yat-su tūuna susna tyā'wē yūumée, ewrrāa yūuna zhichcue fi'nzewa'l' ji'ptja'w. ¹⁴ Naasāa Jesucristo ma'wē jycaatje', tyā's yuurraa jyuca nwëese'jwa'l' ji'ptja'w, peecy ūus yaacyni ewmeesa yu's nwëese'jmee.

Yacjtjē'ja's atsewe'wewa'jme'

14 ¹ Cristo caapiya'jni's achamée ew jiisa yacjtjē'ja's wa'lmée mpa'gawe, tyajj jypumbanisu atsewe'wemée. ² Miiyajcywe vacy viteya' naa sūju'ty: Ū'nisa yu'sa' quījnava jyuca ū'wa'ja' sūju'ty. Naapcachja' Cristo caapiya'jni's achamée ew jiisa' ū'wa'ja's tyjityjrra ū'wa'ja' sūju'ty. ³ Atsa' maa sūjmée quījnava jyuca ū'sa' tyjityjrrarrāa ū'sa's atsewe'wewa'jme'. Tyā'wēy tyjityjrrarrāa ū'sava cuch atsewe'wewa'jme' quījnava jyuca ū'sa's. Ma'wē ū'sarrava tyāawe'sha' Dyus luuchta'. ⁴ Indya' ¿quimrranga iindy jype'jnimeety atsewe'we'? Tyā' ew ma'c yuu ewmée ma'c yuu nava tyā'sa' patron jype'jsa jiina, tyāa pa'gatey jype'jsa' ma'wē ew fi'nzewa'ja'sva tyāa pu'chwa'jsa'.

⁵ Viteya' naa sūju'ty: Fiesta en yuutyi' jyuca qui'swa'ja' sūju'ty. Naapcachja' vite' maa fiesta yuutyi' qui'swa'jme' sūju'ty. Ma'wē yaacysarrava teehsa na'wērraj i'cue'sh ūuste ew ūusutjenirra's nwëese'jna mfi'nzewe cuch atsewe'wemée. ⁶ Tyāa pa'gatey fiesta entyi jyuca qui'ssava, Dyusa's wechanac qui'su', atsa' fiesta entyi jyucamée qui'ssava Dyusa's īrrāac wechana fi'nze'. Tyā'wēy quījnava jyuca ū'sava Dyusa's wechanac ū'we', atsa' quīj iyyuutyi' ū'sameeva Dyusa's īrrāac wechá'. Jyucay Dyusa'srrarrāaty wechá'.

7Tyāa pa'gatey cue'sh ityi fi'nzeni cue'sh uuwa'l ma'c yuu nava tyā' cue'sh jii meeta', atsa' peecy ma'wēva yūuna fi'nze'nja sūjwa'l ji'pjmeetja'w. 8Na'wē ityi fi'nze'tja'w tyā' Cristo jī', sa' uumtja'w nava Cristo jytjāasnirrá'stja'w cytey yu', tyāasa ityi fi'nzeni ma'c yuu uu en ma'c yuu nava Cristo jüirráata'. 9Tyā'wē Cristo' ityisawe'sh ma'ty yuu uusaawe'sh ma'ty yuu nava jyucaysate namu yuuya'fírráac uuniijüva qui' ityi yuu. 10Namu' Cristo', atsa' indya' namumeerra' ¿quijya'nga iindy yacjtjē'ja's ewmeesa' jina atsewe'we'? Dyus tashte cuutya'jni yuua'jsatja'w, atsa' Dyus yuurráa ma'wē yuusaateva we'wewa'l ji'pja'. 11Tyají Dyus tashte cuutya'jni yuua'ja's Dyus librute na'wē fi'jni':

Andya' Dyus ityisa isatj we'we',

Majüwe'shva jyuca andy tashterraráa peejyücuena pa'jrra,

Dyus yuj yu'nga jina wechaatyna.

12Tyā'wē yüurra teeche na'wērraj Dyus tashte paswa'l ji'pju'nja'w ma'wē yüusaarrava.

Yacjtjē'ja's caypumba'jwa'ljme'

13Tyāa pa'ga āchjüyā'ja' tyā'wē ewmeeng yu' jina puuty atsewe'wena fi'nzewa'l ji'pjmeetja'w. Tyā'wē yūumée wejyva ewrráa yūuna mpu'ch, yacjtjē'l jypumbacajmén. 14Andya' jii'tj Cristo Jesus yacj fi'nzesa yacja', quij ũ'yujva ewmeesa yu' meea'. Nava tyā'wē ewmeena sūjna yaacysa yacj yu' ewmée yujna. 15Nava iindy yacjtjē'l dyi'pte jypa'yacymée quijnava ũ'pa'garráa tyāa yacjtjē'ja' jypumbaváana atsa' indy yuuwesa yuune'nga peeygáasamée. Cristo uurra nwe'wenisawe'shtyi' indya' caypumba'jnu iindy ũ'nisa yacj. 16Indy yacj yu' ewsarrava, vitesa yacj yu' ewmeesa váa yuuna atsa' tyā'wē yūuwechsa yuutyi' wala mpa'yajcy. 17Tyāa pa'gatey Dyus yacj fi'nzewa'ja' ũ'nisaty jypa'yacyrra tyā'wē Dyus yacj ya'fi'nze'tsme', naasáa Dyus Espiritu pu'chte yuurráac Dyus yacj wēt wechana jypumbamée fi'nzewa'ja's ya'ji'pju'. 18Tyā'wē vitety caypumba'jmée jypa'yacy Cristo's selpiite' Dyusa' wecha'c atsa' nasava wecha'ty tyā'wē yūute'.

19Tyā'wē puuty ew yūuna puimée fi'nzewa'jrrá's pacuewa'l ji'ptja'w, Dyus yacj jwee'fírráa chjächja fi'nzewa'ja's puuty ya'pu'चना. 20Ū'nisa' jyuca ewsata'. Nava vitesaty caypumba'jwa'ja's ũ'terráa ewme'. Tyāa pa'ga Dyus yacj fi'nzesa yacjtjē'jwe'shtyi' caypumba'jnu iindy ũ'ni yacj. 21Tyā'wē peecy yacjtjē'ja's caypumba'jwa'l yu'sa' ũ'nimée wejy ewa', chich, vino, quijva caypumba'jwa'l yu'sa' jyuca. 22Indy yacj yu' quij ũ'va jyuca ewsateva jiiarra', iindy ũusterráa tyāa sūjna mfi'nze Dyus dyi'pte. Ewmeena sūjwa'ja's ũusterráa yujva yaacysamée yacj yu', ew yuja'. 23Nava ewmeeváana sūjna cuj jwend yajcyna ũ'sa yacja', ewmée yuja'. Tyāa pa'gatey ewmeeváanacy sūjwa'ja's ji'pjrra nwēese'jmeete', tyāa yu' pcal yuja'.

Vitesa yacj ewrráa yūuna fi'nzewa'ja'

15 ¹Dyus yacj chjächjayā'j fi'nzesa' peecyrráa wēt fi'nzewa'ja's pacuemée, pu'chwa'j ji'ptja'w Dyus yacj fi'nzewa'ja's achamée ew jiisaty. ²Cue'sha' teechna na'wērraj vite nasaty pu'chna wēt caafi'nze'jwa'j ji'ptja'w ewrráa yūuna, tyāawe'sha' Dyus yacj jweeírráa chjächja fi'nzeya' ājacajn. ³Tyāa pa'gatey Cristo tyacue jytujtjesa yujrrava, peecyrráa wēt fi'nzewa'j yu'sa' pacuemée, wejyva vitety wēeshuni's tyāac jypa'ga. Tyā'sna we'werrac Dyus librute na'jī': Indyna wēeshuni's andytju jypa'ga jī'c. ⁴Dyus librute fi'jni ūsta' tyā' cue'shtyi cchjächja'jwa'jsata', űuswa'j en ma'wēsa pa'tjeva űusmée chjächja yajcyna fi'nzeya' piyacajn. ⁵űuswa'j en pa'tjeva chjächja fi'nzewa'ja's Dyuscu űusu' na' tyāa'í pu'chjina puuty ewrráa yūuna Cristo Jesus na'wēy fi'nzeczajn, ⁶cyaj cyteerraj jyucaysa cue'shtyi jype'jsa Jesucristo Tata yuurrá's tuutje'jene'cue.

Judiu ji'jmée vite nasaty Dyus yuwe's pta'shni

⁷Cristova ma'wēga i'cue'shtyi jypa'ga tyā'wēy i'cue'shva wa'lmée mpa'gawe maa yacjtjē'jtyva, Dyus wechacajn. ⁸Miiyajcywe: Dyusa' cue'sh yatsgawe'sh yacj puuty we'wec Cristo quíiwa'ja's, atsa' tyāa puuty we'weni cytey yuucajncu Cristo' quíj judiuwe'shtyi selpiiya'. ⁹Sa' judiu ji'jmée vite nasava Dyusa's jypa'garra wechana tuutje'cjancu Cristo' quíj. Tyā'sna we'werrac Dyus librute na'jī':

Tyā'wē ew yūupa'ga tyāawe'sh cshavyte indya's wechana memna tuutje'je'nja jī'c.

¹⁰Sa' vite ajcjēva na'wēc we'we':

Judiu ji'jmée vite nasarrava judiuwe'sh yacj ja'ndarra'j wēt wēt miiyajcywe jī'c.

¹¹Sa' vite ajcjēva pta'shi' írráac:

Judiu ji'jmée vite nasa jyucaysawe'sh Dyusa's wechana mtuutje'jwe, Dyusa' seena' yuj walasa' jīna nasa jyucaytyi pta'shna.

¹²Tyajírráac Isaiasva na'jīna fi'j:

Jesé jī'j teechna casejena, judiu ji'jmée vite nasaty jyuca yamuya'. Atsa' tyāawe'sha' nwe'wenisa yuutyina jī'c.

¹³Cue'shtyi nwe'wesa Dyusa' i'cue'sh űuste wēt wēt wechana fi'nzewa'ja's űsuna tyā'sna jypa'gasatyi's, cyaj Dyus Espiritu pu'chte', Dyus nwe'wenisatja'w yuu sūjna wechana fi'nzene'cue.

¹⁴Andy yacjtjē'jwe'sh, andya' ew jīitj i'cue'sha' ew yūuwa'j yuurrá's ne'cue űuste jī'pj fi'nze', ma'wē yūuwa'ja'sva shiingmée. Tyāasa ne'cue teechna na'wērraj puuty ew ya'yu'cypejna fi'nze' sūju'tj. ¹⁵I'cue'sha' tyā'wēyā'j shiingmée fi'nzesa ne'cue, nava andyva fii yu'cypejna fi'jatstju Dyus yacj wejy ew fi'nzewa'ja's caajiyu'jna. ¹⁶Tyā'wē yūuwa'ja's Dyuscu andya's neewe'werra nvijt, judiu ji'jmée vite nasaty Jesucristo

caapiya'jni's pta'shcajn. Tyāa Jesucristo caapiya'jnisafí Dyus yuwe ewte nviitwa'jsa' tyā'snatj andya' pta'shi', judiu ji'jmée vite nasarrava Dyus Espiritu pu'chte!, Dyusa's jiyurra ewte neeyüucajn.

¹⁷Tyāasatj andy üuste wētwēt yaaqui!, Jesucristo caapiya'jni's pta'shna Dyusa's selpi'tj sūjna. ¹⁸Nava tyā'wē yūuwa'ja's Cristoc andya's pu'ch judiu ji'jmée vite nasarrava Dyusa's nwēese'cjan, tyāawe'sh ew jiyucajn yuwejuva pta'shna, quim yujva ājanimeesaty āteva caavya'ja'jnic yuu Dyus Espiritu pu'chte. ¹⁹Tyā'wē yūunatj Cristo yuwe ewte nviitwa'jsa's mtee mteeva pta'shna jyā'j, Jerusalente tacjrra Ilírico quiwete pa'pjcach. ²⁰Tyā'wē vite pta'shnisu yu' pecūjya'meetj yajcy, wejyva bagachterrāa yujva Cristo yase's cysusnimeesutj tyajy yuwe ewsa's pta'shya' yajcy, Dyus librate na'jī'c tyāa cytey yuucajn:

²¹ Tyāawe'sha' bagachterrāa yujva Dyus yuwe's pta'shni meesarrava, wēse'jetyna,
Sa' jiyutyna, bagachterrāa yujva jiimeesarrava jī'c.

Pablo Roma chjambna u'jya' yaacyni

²² Tyā'wē Dyus yuwe's caapiya'jna u'jurratj i'cue'sh tashna yujya' yu' tundu'tsmée, manz usva yujya' yajcyrrava. ²³⁻²⁴ Nava āchja' naa ja'ndasu pecūjna jyā'tj na' España quiwen u'juetsrra!, i'cue'sh tashsuva iipa'j uycjēu'nja tyā'wē yūuwa'ja's nyafiitj yaacyni ji'pju'. Atsa' i'cue'sh yacj pcjaacjena ūsrra España quiwen u'juetste!, pu'chjine'cue sūju'tj. ²⁵ Nava āchjī' yu' Jerusalenna u'juetstju cytee yacjtjē'jwe'shtyi quījrrāava pu'chwa'j jyūna. ²⁶ Jerusalente yacjtjē'jwe'sh quījva ji'pmeesa ūsta' tyāawe'shtyi pu'chya' jīrra vyuu pcjacjtyi Macedonia vite! Acaya quiwesuwe'sh tyā'sna jyūna u'juetstju. ²⁷ Tyā'wē pu'chte ewna sūjwa'ja's ji'pjuty, tyāa pa'gatey isa ew yajcyte yu' Macedoniasuwe'sha' yuultyi yu', tyā'wē judiu ji'ljwe'sha' Dyus yuwe ewsa's jytyujndety judiu ji'jmée vite nasatyva. Tyāa pa'gaty Dyus yuwe ewsa's cue'shtyi pta'shpa'ga ca'tuva caashwendu'ljwa'j ji'ptja'w jīrra tyāawe'sh ji'pjunisa yacj pu'chya' yajcy. ²⁸ Atsa' tyā'wē Jerusalente pa'jrra' pcjacjni vyuu's tyāawe'shtyi ducjrra!, España quiwen u'jya'vatj, tyāasa i'cue'sh tashsuva dundte ne'ca'nja. ²⁹ Andy i'cue'sh tashte pa'tje!, i'cue'sha' jweeírrāa Cristo yacj chjāchja fi'nzene'cue sūju'tj.

³⁰ Yacjtjē'jwe'sh, i'cue'shtyitj neewe'we': peeygāawa'ja's Dyus Espiritu ūste ji'pji'cue, tyāasa andya's peeygājrra Jesucristo's pi'cyrra andy pa'gate Dyus yacj puuty we'wecajn. ³¹ Judea quiwete atsesa ūsta' tyāawe'sh andyna quījva ewmée yūucajmén Dyusa's mpi'cywe, sa' Jerusalente yacjtjē'jwe'shtyi pu'chwa'j jyūna u'juetstju tyā'snava wechana jypa'gacajn, ³² cyaj Dyus pu'chte!, ewrrāa qui' shawendrra i'cue'sh yacj wechana ūswa'ja's ji'pju'nja. ³³ Dyusa' i'cue'sh jyucaysa yacj pi'cyna nes yuuna, ewrrāa caafi'nze'jna.

Nasa iisa yuwe wechaa caajni

16 ¹Cue'sh npe'sh Febe pa'tje!, tyā'sa' wa'límée jypa'gacajni neewe'wetstju i'cue'shtyi, tyā' Cencrea chjambte pcjaacjesaty selpiisa'. ²Tyāa pa'gately Dyusa's jiiyā'jsa' ma'wē yūuwa'ja'sva jii i'cue na' tyā'wērrāa yūuna mpa'gawe, Cristo's selpiisa' naa pa'ga cue'sh npe'shna sūjna. Sa' tyāa quīj peejini'sva mpu'chwe, tyāa pa'gately tyā' maatyva wala pu'chsa' tyāasa'íc andynava pu'ch.

³Priscila vite' Aquila tyāawe'shtyi yuwe mweechawe, Cristo Jesusna andy selpiitste!, tyāawe'sha' cytee andy yacj mjī pu'chsaty yu'.

⁴Tyāasa'íity tyāawe'sha' u'dyij andyna nwe'wena. Tyā'wē ew yūupa'gatj andya' tyāawe'shtyi' wala wechá'. Nava andyrrāa tyā'wē wecha'tsméetj, judiu jil'mée vite nasava wecha'ty Dyusa's jiiisawe'sh. ⁵Priscila vite' Aquila tyāawe'sh yatte pcjaacjesa yacjtjē'jwe'shtyiva yuwe mweechawe. Sa' andy namicu Epeneto'sva mweechawe. Tyāac nyafyrraj Acaya quiwete Cristo's ūuste jypa'gasa yu'. ⁶Maria'sva yuwe mweechawe, tyā' nacue wala mjīic i'cue'sh cshavyte. ⁷Andy jil'j Andrónico vite' Junias tyāawe'shtyiva yuwe mweechawe. Tyāawe'sha' andy yacj carcelte ūssata!, sa' Dyus yuwe's pta'shya' caajnisawe'shtyi yu', tjaacue jiyunisa. Sa' tyāawe'sha' Cristo's jiiisayā'jty yu' Cristo's andy jiyumeyna.

⁸Cristo's jiisa andy namicu Ampliasnava yuwe mweechawe. ⁹Cue'sh na'wēy Cristo Jesusa's selpiina fi'nzesa Urbano'sva yuwe mweechawe, vite' andy namicu Estaquisnava tyā'wēy. ¹⁰Apelesnava yuwe mweechawe, tyā'sa' macue űuswa'j en pa'tjeva, Cristo yacj tyutemec fi'nzesa yu'. Sa' Aristobulowe'shtyiva tyā'wēy yuwe mweechawe. ¹¹Andy jil'j Herodiana'sva yuwe mweechawe, vite' Narciso jil'jwe'sh Cristo's jiiisaty yuwe mweechawe. ¹²Trifena vite' Trifosawe'shtyi yuwe mweechawe, tyāawe'sha' Cristo's selpisaaty yu'. Sa' cue'sh npe'sh Persidanava yuwe mweechawe, tyāava wala mjīisa yu'c Cristo's selpiina. ¹³Rufusnava yuwe mweechawe, tyā' wala jiyunisa yu'c Cristo's nwēese'jsa' jīni, sa' tyajy njil'ja'sva yuwe mweechawe, tyā' andyna jype'jsa mama na'wēsac yu'. ¹⁴Vite' naawe'shtyi yuwe mweechawe: Asincrito, Flegonte, Hermas, Patrobas, Hermes, vite' yacjtjē'jwe'sh tyāawe'sh yacj ūssayā'jrra. ¹⁵Vite' naaty yuwe mweechawe: Filólogo, Julia, Olimpás, Nereo vite' tyajy npe'shna. Sa' tyāawe'sh yacj ūssa Cristo's jiisa yuutyi' jyuca mweechawe.

¹⁶Teechsa na'wērraj ūuste wala wēt yajcyna puuty yuwe mweechawe. Sa' Cristo's nwēese'jsa mteeva pcjaacjesa yu' jyucaysaty yuwe wechaacaja'.

¹⁷Yacjtjē'jwe'shtyi neewe'we'tj, i'cue'sha' wala mpa'yajcywe na'wē ew fi'nzewa'ja's piya i'cue tyāajū caypumba'jna caapui'jna fi'nzesaty. Tyā'wē yūusawe'sh yacja' mtyuteewe. ¹⁸Tyā'wēme!, tyāawe'sha' Jesucristo's selpiisameeta!. Tyāawe'sh ewmée yaacynirrá'styi cytey yuuna fi'nze!,

sa' nasa achamée ew jiisa yuutyi'sa' caypumba'ja'ty wala zhichcuerráa we'werra. ¹⁹Cristo caapiya'jni's i'cue'sh úusuj jyuca nwēese'jni's jyucaysa jiita', tyāa pa'gatj andya' wechá'. Sa' ewmeesa yu's nwēese'jmée wejyva ewsarrá's nwēese'jna úscajntju neewe'we'. ²⁰Atsa' quijteva jyuca ew caafi'nze'jsa Dyusa' i'cue'shtyi pu'chjina echtjē'j cnaycajmén. Atsa' i'cue'sha' Jesucristo yacjrráa mfi'nzewe.

²¹Andy yacj mjii pu'chsa Timoteova yuwe wechaacaja'c, vite' Lucio, Jasón, Sosípater andy ji'jwe'sh.

²²Naa carta's fi'pju'chsa Tercio andyva yuwe wechaacaja'tj Dyus yacj fi'nzesaty. ²³Sa' Dyus luuch pcjaacjewa'j yat pqui'jsa Gayova yuwe wechaacaja'c, andya's paandee yat pqui'jsa. Vite' Erastova yuwe wechaacaja'c, gobierno vyu's jyaawsa. Tyā'wēy cue'sh yacjtjē'j Cuarto yaasesava wechaacaja'c.

²⁴Cue'shtyi jype'jsa Jesucristo pu'chjina i'cue'sh jyucaysaty bagachteva.

Dyusa's yuurráa wechani

²⁵Āchja' Dyus cusete nviitutstju tyā' i'cue'shtyi jweefirráa chjāchja caafi'nze'jena, Jesucristo caapiya'jni's ma'wēta pta'sh tyā'sa' cytey yuuna. Cue'sh ewte neeyūuwa'ja's naa quiwemeeteycu Dyusa' pjeu'jrra ji'pju', ²⁶nava tyā'sa' jū'nasurráac caajiyu'jni yuu, Dyus yuwe pta'shsawe'shtyi caafi'ja'jrra. Tyā'sna āchja' maa quiweteva jyuca pta'shni yuutsa', maava Cristo's úuste jypa'garra nwēese'cjan. Tyāa pa'ga Dyusa's wala wechaawa'j ji'ptja'w.

²⁷Dyus yuurráa ma'wē yūuwa'ja'sva jyuca jiisa'. Tyāa pa'ga tyā's yuurráa bagachteva wechana nes yuuwa'ja', cue'shtyi nwe'wesa Jesucristo ew yūupa'ga.